



NAFARROAKO PARLAMENTUKO

ALDIZKARI OFIZIALA

IX. legegintzaldia

Iruña, 2018ko irailaren 6a

104. ZK.

A U R K I B I D E A

A SAILA:

Foru lege proiektuak:

—Nafarroako Toki Administrazioaren Erreformatarako Foru Lege proiektua (2. or.).

A saila:
FORU LEGE PROIEKTUAK

Nafarroako Toki Administrazioaren Erreformatarako Foru Lege proiektua.

Nafarroako Parlamentuko Mahaiak, 2018ko irailaren 3an egindako bilkuran, honako erabaki hau hartu zuen, besteak beste:

Nafarroako Foru Eraentza Berrezarri eta Hobetzeari buruzko Lege Organikoaren 19.1.a) artikulua aitortzen dion legegintza-ekimena erabiliz, Nafarroako Gobernuak, 2018ko uztailaren 4an hartutako Erabakiaren bidez, Nafarroako Toki Administrazioaren Erreformatarako Foru Lege proiektua igorri dio Nafarroako Parlamentuari.

Hori horrela, Legebiltzarreko Erregelamenduko 127, 152.1 eta 153. artikuluetan ezarritakoarekin bat, Eledunen Batzarrari entzun ondoren, hona ERABAKIA:

1. Xedatzea Nafarroako Toki Administrazioaren Erreformatarako Foru Lege proiektua prozedura arruntari jarraituz izapidetu dadila, Erregelamenduko 152 eta 153. artikuluetan ezarritako berezitasunekin.

2. Proiektu horretaz irizpena emateko ahalmena Landa Garapeneko, Ingurumeneko eta Toki Administrazioari Batzordearen esku uztea.

3. Nafarroako Parlamentuko Aldizkari Ofizialean argitara dadin agintzea.

Proiektua argitaratzen denetik, **hamabost egun balioduneko epe bat hasiko da, zeina 2018ko irailaren 28an, eguerdiko hamabietan, bukatuko baita.** Epe horretan, Erregelamenduko 128. artikuluan ezarritakoarekin bat, talde parlamentarioek, foru parlamentarien elkarteek eta foru parlamentariak zuzenketak aurkeztu ahalko dizkiote foru lege proiektuari.

Iruñean, 2018ko irailaren 4an

Lehendakaria: Ainhoa Aznárez Igarza

Nafarroako Toki Administrazioaren Erreformatarako Foru Lege proiektua

ZIOEN AZALPENEA

I

Nafarroako toki entitateak eta, zehazkiago, udal eta kontzejuak, Foru Komunitatean errotuen dauden administrazio publikoak dira; era berean, arreta eta zerbitzu instituzionalerako gure lehen lerroa dira, antzinako garaietatik datorkiguna.

Ordezkatzen dituzten pertsonengandik hurbil daudenez, zuzenean izaten dute gure gizartearen arazo eta eskari nagusien berri, eta beraz, erantzuten eta erantzukizunez bideratzen ahalegintzen dira. Gure errealitate publikoaren eta gure sare instituzionalaren alderdi agerikoena dira.

Esan genezake, okerrik egin gabe, haien jarduna dela gure printzipio demokratikoen egiazta-tze praktikoa errealena.

Historikokiko eta sozialki hain sustraiturik ego-teak, herritarren eskaerei erantzuteko sistemetan gauzatuak, tokiko autonomia zabala ekarri du, bereganatzen eta finkatzen joan diren eskumene-tan islatua; beharrezkoa da eskumen horiek ete-nik gabe sendotu, egokitu eta hobetzea. Nafarroa-ko udalerrien tokiko eskumenak, finean, beti aldatzen ari den gizarte dinamiko baten eskariei ikuspegi publikotik erantzuteko kezka etengabea-ren isla dira.

Bestetik, ezin dugu ahaztu gizarteari lehen mailako arreta emateko lan hori bezain garrantzi-tsua dela tokiko erakundeek betetzen duten zubi-lana, herritarren eta gainerako erakunde publiko-en artean, eta herritarren eta Nafarroako Foru Komunitateko Administrazioaren artean.

Tokiko errealitatearen beste alderdi horren emaitza da Nafarroako toki entitateen eta Foru Komunitateko Administrazioaren artean eratu den sare konplexua, eskumeneen, harremanen eta arauen banaketari dagokionez. Sare hori aztertu eta eguneratu beharra dago maila instituzional

desberdinek izan duten bilakaeraren arabera. Desafio horri erantzutea da foru lege honen helburu nagusietako bat.

Ikuspegi historiko batetik, azken mendei begiratuta mugarri garrantzitsu batzuk bereiz ditzakegu Nafarroako tokiko autonomiaren araugarapenean. Gai horretaz hitz egitean nahitaezkoa da aipatzea 1841eko Lege Itundua eta 1924ko Udal Estatutua, Nafarroako Udalen Administrazioarako 1928ko Erregelamendua, azken hau Nafarroak bere tokiko erakundeak arautzeko izan duen eskumen historikoaren adierazpidea.

Geroago, beste arau batzuek egokitu dute tokiko autonomia gure errealitate sozialak denboran izan duen bilakaera saihestezinera: 1979ko uztaileko Araua, Hamaikako, Hamabosteko eta Hogeiako Batzordei buruzkoa, 31/1983 Foru Legea, Kontzeju Irekiak eratzeari buruzkoa, 4/1984 Foru Legea, Nafarroako Korporazio lokalek erabakiak hartzeari buruzkoa, 1/1986 Foru Legea, Herrilurrei buruzkoa, eta 2/1986 Foru Legea, Nafarroako entitate lokalen jarduketan legezkontasunean eta haien interes orokorrean Nafarroako Gobernuak duen kontrola arautzekoa; esparru sektorialagoe-tako beste arau batzuk ere onetsi dira arlo honetan.

Nafarroako Toki Administrazioari buruzko uztailaren 2ko 6/1990 Foru Legea eta, urte batzuk geroago, Nafarroako Toki Ogasunei buruzko martxoaren 10eko 2/1995 Foru Legea onesteak Nafarroako tokiko egiturak joan zen mendeko amaierako errealitatera modu sakonean egokitzea ekarri zuen. Foru legea baliagarria izan zen gure tokiko araubidea ordena konstituzionalera eta Toki Araubideko Oinarriak arautzen dituen Legera egokitzeko, Nafarroako Foru Eraentza Birrezarri eta Hobetzeari buruzko Lege Organikoan aurreikusita-koarekin bat.

Ibilbide historiko labur honetan, legeei buruzko aipamenaz gain, merezi du gogoratzea arlo honetako erakunde funtsezko batzuek bete duten lana, hala nola, Nafarroako Administrazio Auzitegiak, Kontuen Ganberak edo Nafarroako Arartekoak.

Nolanahi ere, XXI. mendearen hasieratik argi gelditu da aipatutako arauak berrikusi beharra dagoela, eta, horregatik, gure toki administrazioaren erreforma egitea proposatu da, oinarri hauekin: eskumenen banaketa argia; toki antolaketa berria ezartzea, udalez gaindiko entitateen kopuru gehiegizkoa eta, kasu batzuetan, eraginkortasunik gabekoa arautuko duena (dauden baliabideak behar baino gutxiago erabiltzea baitakar); eta, azkenik, finantzaketarako eredu berri bat ezartzea, nahikotasun finantzarioaren, aurrekontu

jasangarritasunaren, elkartasunaren eta tokiko autonomiaren eta lurralde orekaren printzipioekin bat etorriko dena, horiek baitira Nafarroako toki administrazioaren ideia gaurkotuaren oinarria.

Ezin da aipatu gabe utzi, gainera, azken urteetan administrazio prozedurari eta erakunde publikoetan, orokorrean, eta tokikoetan bereziki, espedienteen tramitazioari buruzko legedian aldaketak egin direla, eta orain beharrezkoa dela baliabide berriak jartzea, langileenak nahiz materialak, gaur egun bete beharrekoak diren irisgarritasunaren eta gardentasunaren printzipioak errespetatzeko.

Erreformaren beharra justifikatzen da, halaber, gure administrazioan txertaturik dauden arazoak konpontzea nahitaezkoa delako; esate baterako, entitate txikienetan idazkari eta kontu-hartzaile lanpostuekin gertatzen dena: lanpostu gutxi, asko eta asko behin-behinekoak, eta Foru Komunitateko udaletan berebiziko garrantzia duten lanpostu horietan ari direnen lan segurtasun falta.

Era berean, une egokia da gogoeta egiteko azken urteetan areagotu den arazo bati eta ekartzten dituen ondorioei buruz: bitarteko egoeran dauden langileak gero eta gehiago dira gure toki entitateetan.

Foru lege honek nabarmendu nahi du Nafarroako toki administrazioan beharrezkoa dela egonkortasuna ematea enplegu publikoari eta behin-behineko kontratuen kopurua gutxitzea, baina arlo horretako neurriak aurrerago zehaztu beharko dira, erreforma honen baitan garatuko diren legeen bidez.

2011n, Nafarroako Parlamentuak erabaki zuen Nafarroako Gobernuari agintzea foru lege proiektu bat aurkez zezan, garai hartan "Nafarroako tokiko mapa" izenekoaren antolaketa berria proposatzeko.

Huts egindako saiakera batzuen ondotik, 2015ean, Nafarroako Gobernuak parte hartzeko prozesu baterako oinarriak aurkeztu zituen, bi urteko epean toki entitateekin kontsultak egitea eta alde zuzeneko dokumentuak prestatzea planteatuz, legegintzako proposamen honen abiapuntua izan zitezten.

Prozesu hori Landa Garapeneko, Ingurumeneko eta Toki Administrazioako Departamentuak gidatu du, Nafarroako Udal eta Kontzejuen Federazioarekin elkarlanean, toki entitateekin solaskide lana bete baitu federazioak, haien eskaerak eta proposamenak bideratzeko.

Haiekin batera, Nafarroako Gobernuako departamentuek parte hartu dute parte prozesuan, baita toki administrazioaren arloko sektore desberdine-

tako aditu ugari ere, aurreproiektuari iritziak, ikuspegiak eta ezagutzak erantsi dizkiotenak.

Lehen aipatutako irizpideekin batera, hortaz, partaidetzarena eta gardentasunarena ere aintzat hartu dira foru legea egiteko prozeduran, eta denen artean osatzen dute erreforma honen oinarria, onesten denetik aurrera Nafarroako toki entitateek abian jarriko dituzten aldaketa sakonei eusteko esparru egokia.

Horretarako, gure toki administrazioa arautzen duten lege nagusietan aldaketa funtsezkoak egiten dira, eta horien onespenera esker, arauak aldatzeko epe bat hasten da, toki erreforma honen behin betiko forma xehetasun guztiekin zehaztuko dutenak.

Egiturari dagokionez, foru lege honek lau artikulatu ditu: lehenbizikoak Nafarroako Toki Administrazioari buruzko uztailaren 2ko 6/1990 Foru Legea aldatzen du; bigarrenak Nafarroako Toki Ogasunei buruzko martxoaren 10eko 2/1995 Foru Legea; hirugarrenak, Nafarroako Lurralde Aberastasunaren Erregistroari eta Katastroei buruzko azaroaren 21eko 12/2006 Foru Legea; eta laugarrenak, azkenik, abenduaren 29ko 20/2005 Foru Legea, Nafarroako Toki Ogasunei buruzko martxoaren 10eko 2/1995 Foru Legea aldatu, eta jardura ekonomikoen gaineko zergaren tarifak eguneratzen dituena.

II.

Lehen artikulua edukiaz hau nabarmendu behar da:

– Eskualdeak eta plangintza orokorreko komunitateak Nafarroako toki entitatetzat hartzen dira, eta toki entitatearen izaera zuten barruti administratiboak eta partzuergoak desagertzen dira; horrela, Nafarroako Foru Komunitatearen konpromisoa betetzen da, Estatuko Administrazio Orokorraren eta Nafarroako Foru Komunitatearen arteko Lankidetzaren Batzordeak 2015eko irailaren 9an onetsitako Erabakiaren bidez bere gain hartu zuena.

Administrazio zerbitzuen batasunak ere ez dira toki entitateak izanen aurrerantzean, baina haien lurralde esparrua erreferentzia gisa hartzen ahalko da kasuan kasuko eskualdeak zerbitzu horiek emateko.

Nafarroako tokiko instituzioen arloko usadioan gakoa den toki entitateari dagokionez, kontzejuari dagokionez alegia, hemendik aurrera kontzeju irekia 50 biztanle baino gehiago dituztenetan eratzten ahalko da, baldin eta borondatez hala eratzearabakitzen badute; era berean, batzar bidez fun-

tzionatzen ahalko dute kontzeju irekiko araubidean jarduten dutenek, kontzejuko kideen erabateko gehiengoak hartutako erabakiaren bidez hala erabakitzen badute.

Batzar bidez funtzionatzen duten kontzejuen kasuan, batzarreko bokalen kopurua handitzea ezartzen da, 6 izan daitezen populazioa 1.000 biztanle baino gehiagokoa denean.

Berariaz aurreikusten da kontzejuko buruaren kontrako zentsura mozioa aurkezteko aukera ere, eta, halaber, toki entitate horri auzolana edo komunitatearen onurarako lana antolatzeke ahalmena, Nafarroako toki ogasunen gaineko araudian aurreikusita dagoen bezala.

Kontzejuak dituzten udaletan, kontzejuen interesei zuzenean eragiten dieten gaietan, gai horiei dagozkien erabakiak hartzeko prozesuan eta kudeaketaren segimenduan parte hartzeko eskubidea bermatzen zaie, eta, horretarako, kontzejuen parte-hartzerako kontsulta organo espezifikoa bat sortzen da.

Horrekin batera, kontzejuaren eta udalaren arteko harremanetarako sistema bat ezartzen da, eskumenak batera erabiltzea ahalbidetuko duena, tokiko autonomiaren printzipioa errespetatuz betiere, eskatzen diren gutxienezko zereginak kontzejuak modu autonomoan betetzerik ez duenean bertako administrazioetan dauden baliabide materialekin eta langileekin. Horrela, kontzejuen iraupena ziurtatzeko zailtasunak gaintzen dira, eta, aldi berean, bertako biztanleei ematen zaien zerbitzua hobetzen da, hori baita, dudarik gabe, erreforma honen helburu behinena.

Azkenik, kontzejuak azkentzeko arrazoietatik desagertzen da biztanle kopuruarena, eta arrazoiaren artean sartzen da, berriz, kontzejuetarako bi hauteskunderetan jarraian hautagai-zerrendarik ez aurkeztea.

– Langileei dagokienez, Nafarroako Toki Administrazioari buruzko 6/1990 Foru Legearen 234. artikulutik 257. artikulura bitartekoak aldatzeak, lehen eta hirugarren xedapen gehigarriak indargabetzeak eta martxoaren 17ko 4/2011 Foru Legearen lehen, hirugarren eta laugarren xedapen iragankorrak indargabetzeak ahalbidetzen du behin betiko konponbidea ematea Nafarroako udalerrietako idazkari eta kontu-hartzaile lanpostu askori eragiten dien arazoari, hau da, bitarteko egoera iraunkorrari, eta gure toki entitate guztietan idazkaritza eta kontu-hartzailetzako administrazio zerbitzuetan langile guztiak funtzionarioak direla ziurtatuko da.

Udalak bere idazkari lanpostua izan beharko du 1.500 biztanle baino gehiagoko herrietan, ez orain arte bezala 2.000 biztanle baino gehiagokotan, eta oposizio-lehiaketa izanen da sistema bakarra Foru Komunitatearen gaikuntza lortzeko, idazkari eta kontu-hartzaile lanpostuetan aritzeko. Jabetza-hartzeen araubidea ere egokitzen da, bat etor dadin lanpostuak betetzeko erregelamenduan oro har eta Nafarroako Administrazio Publikoen zerbitzuko langileak sartzeko Erregelamenduan aurreikusitakoarekin.

Era berean, Nafarroako Administrazio Auzitegian aurkeztu beharreko gora jotzeko errekurtsoei dagozkien zenbait agindu aldatzen dira, horien testua administrazioarekiko auzien jurisdikzioaren gaineko araudian eta isiltasun administratiboaren araubide orokorrean ezarritakora egokitzeko.

– Toki antolaketaren egiturari dagokionez, foru lege honek udalez gaindiko antolaketa berria dakar, “eskualdea” izeneko figuraren bitartez; eskualdea Nafarroako Toki Administrazioaren Erregelamenduan “nahitaezko batasuna” deitutakoaren ondorengoa da, eta mankomunitate sektorialek eta gure Foru Komunitatean azken urteetan sortutako antzeko entitateek orain arte bete dituzten eginkizunak hartuko ditu bere gain aurrerantzean.

Nafarroak toki araubidearen arloan izan duen eskumen historikoa baliatzen da horrela, udalez gaindiko entitateak ezartzeari dagokiona, hala aitortzen baitzaio Foru Eraentza Birrezarri eta Hobetzeari buruzko Foru Legearen 46. artikuluan honakoetan xedatutakoarekin lotuta: Konstituzioaren lehen xedapen gehigarrian, 1925eko azaroaren 4ko Errege Lege-dekretu Itunduaren 13. oinarrian, eta 1928ko otsailaren 3ko Nafarroako Udalen Administrazioarako Erregelamenduan 55. artikuluan eta hurrengoetan, indarrean baitzegoen Foru Hobetzea onartu zen unean.

Horrela, helburua da udalez gaindiko kudeaketarako tokiko zerbitzuen antolaketa hobetzea, xedeak lortzeko eraginkorragoa izan dadin eta efizientzia handiagoa izan dezan giza baliabide materialak nahiz langileak baliatzean, udalen eskumen esparrua eta tokiko autonomia errespetatuz betiere.

Eskualdearen eskumen berekiak artikuluan honen 361.1 artikuluan ezarritakoak izanen dira, baina eskumen horiek ez dira inola ere izanen oinarritzko araudiaren arabera udalerrien eskumen berekiak direnak; horrez gain, eskualdeek betetzen ahalko dituzte eskuordetzeaz esleitzen zaizkien beste batzuk ere.

Horretarako, Nafarroako Toki Administrazioari buruzko Foru Legean titulu berri bat gehitzen da (X. titulu), “Eskualdeak” izenekoa, sei kapitulutan antolatutako hogeita hamabi artikulutan toki entitate berri honi dagokion guztia garatzen duena.

Eskualdeak eratzeko proposamenaren muinean datza aldaketa: udalez gaindiko zerbitzuen plangintza sektorialetik lurraldean oinarritutako planteamendura, lurralde orekaren printzipioa indartuz horrela. Molde berri honi esker, udal batek berak egin edo eman ezin dituen zenbait jarduera eta zerbitzu, orain arte subjektu edo entitate pribatuekin kanpo kontratazioak eginez eman izan direnak, eskualdeak emanen ditu zuzenean, sektore pribatura jotzeko beharra gutxituz eta ekimen publikoa sustatuz kalitateko zerbitzuak emateko.

Horrela, gaur arte indarra izan duen kontzeptuaren arabera, mankomunitateak zerbitzu sektorialearen inguruan antolatu dira, eta orain, ordea, mankomunitatearen erreferentzia lurraldea izanen da beti; hortaz, Nafarroaren egitura barruti egonkorrek osatuko dute, eta ezartzen direnetik aurrera erreferentzia saihestezina izanen dira udalez gaindiko esparruan eman nahiko den edozein zerbitzutarako.

Foru lege honen eranskinetan zehazten denez, Nafarroa hamabi eskualdetan antolatzen duen lurralde-banaketa ezartzen da, Nafarroako Lurralde Estrategiak bere garaian proposatutako azpielementuak abiapuntutzat hartuta; nolana ere, behin betiko formari begira, inplikaturako udalen borondatea kontuan hartzen da, proposamenak eta alternatibak aurkezteko aukera izanen baitute, eskualdeak sortzeko prozesuaren bukaeran Nafarroako udal guztiak horietako baten parte izateko helburuarekin.

X. titulu berriaren I. kapituluak toki entitate berri hauen izaera eta xedeak arautzen ditu, bai eta haien ahalmenak, izena, eskualdearen mugartea eta zerbitzuen egoitzak.

II. kapituluan jasotzen da eskualde bakoitza sortzeko prozesuaren arautzea, foru lege bidez egin beharrekoa, eskualdea osatu behar duten udalei eta udalez gaindiko entitateei entzunaldia ematea eta haien parte-hartzea bermatzen duen prozedura baten bidez.

III. kapituluan eskualdeen eskumenak eta zerbitzuak arautzen dira, eta zerbitzu bereki gisa hauek ezartzen dira: udalez gaindiko mailan eman beharreko gizarte zerbitzuak; uraren goi hornidurarako sareak, udalez gaindiko mailakoak; hondakinen tratamendua, udalez gaindiko mailakoa; eskualdeko planeamendua eta eskualde mailako

lurralde antolamenduko tresnen kudeaketa, bai eta idazkaritza eta kontu-hartzailtzako zerbitzu administratiboak ere kontzejuen kasuan, eskumenak batera kudeatzeko araubiderik ez dagoenean eta 1.500 edo 3.000 biztanle baino gutxiagoko udaletan, hurrenez hurren.

Eskumen berekiez gain, eskualdeak ur edan-garriaren behe hornidurako zerbitzuak emanen ditu, hondakin uren ebakuazio eta tratamendukoak, eta hiri hondakin solidoen bilketa eta kudeaketakoak, orokorrean mankomunaturik dauden zerbitzuak direlako, salbu eta eskumenaren titular diren udalerriek bertan behera uzten ez badute kasuan kasuko mankomunitateari emandako eskuordetzea.

Eskualdeek Foru Komunitateko Administrazioaren eskumen esparruan legeria sektorialak bereki gisa esleitzen dizkien eskumenak ere betezen ahalko dituzte, bai eta sostengua eta laguntza eman beren lurralde esparruko udal eta kontzejuei, bereziki ekonomia gaietarako eta kudeaketarako ahalmen urriagoa dutenei; horrez gain, eskualdeek beren esparruko toki entitateei beste zerbitzu batzuk ematen ahalko dizkiete, hala eskatzen badute, jarduera materialak, teknikoak edo zerbitzuetakoak egiteko, eskuordetze bidez edo gomendio bidez.

Beraz, orain ere modu mankomunatuan egiten diren zeregin batzuk udalez gaindiko mailan planteatzea da helburua, eta beste batzuk deszentralizatzea, lurraldearen antolamendua, adibidez, eskualdeen antolaketari dagokionez.

Bestalde, IV. kapituluaren azpieskualdeak ezartzeko aukera aurreikusten da, eskualde bateko udalerriri batzuek, ez denek, ezaugarri sozial, geografiko edo administratibo komunak dituztenean, besteetatik argi bereizten dituztenak baina eskualdea osatzeko behar adinakoak izan gabe.

Eskualde bakoitza eratzen duen foru legeak indarra hartzean zeuden udalez gaindiko entitateen araubidea arautzen du V. kapituluak; mankomunitateek eta udalez gaindiko entitateek egun dituzten langileak eskualdeetan sartuko direla xedatzen da bertan (ohiturazko elkarteei dagokiena salbu), eta, halaber, sozietate publikoak mantenduko direla; azkenik, ziurtatzen da azpiegituren egungo sarean titularra eskualdea izanen dela, zerbitzu hori egun ematen duen mankomunitatearen ondorengoa alegia.

VI. kapituluaren eskualdeen antolaketa eta funtzionamendua arautzen dira, eta ezartzen da eskualde guztietan beharrezkoak diren organoak eskualdeko batzarra, lehendakaria eta gobernu batzordea izanen direla.

Eskualdeko batzarreko kide kopurua eskualde bakoitza sortzen duen foru legean ezarriko da.

Eskualde guztietan, kide horiek izendatzeko sistema mistoa izanen da, udalek ordezkari batzuk izendatuko baitituzte eta beste batzuk, berriz, eskualdean alderdiek, koalizioek, federazioek eta hautesle-elkarteei eskuratutako boto kopuruaren proportzioan izendatuko baitira. Kasu guztietan, batzarreko kide izateko izendatutakoek zinegotziak izan beharko dute.

Horren arrazoa da eskualdea bigarren gradu edo mailako toki entitatea dela, udalen oinarrizko lehen mailaren menpekoa, eta beraz, bermatu behar da haren gobernuan ordezkarien gehiengoa udalek beraiek izendatutako hautetsiek osatzen dutela, bakarrik hautetsiak izan beharrik gabe, halere.

Azkenik, eskualdeen zerbitzuko langileen araubideari dagokionez, oro har uztailaren 2ko 6/1990 Foru Legearen VII. tituluan xedatutakoa beteko dela ezartzen da, eta eskualdeak idazkari eta kontu-hartzaileen lanpostu espezifikoak izan beharko dituela, Foru Komunitatearen gaikuntza aski izanen dutenak.

III.

Foru lege honen bigarren artikulua toki entitateen finantzaketa sistema berritzen du, eta, horrenbestez, Nafarroako Toki Ogasunei buruzko martxoaren 10eko 2/1995 Foru Legearen zenbait artikulua aldatzen ditu, eta legea bera lurralde egitura berrira egokitzen da, eskualdeen eta plangintza orokorreko mankomunitateen baliabideak arautzen baititu.

Erreforma honek eragina du bai toki ogasunen funtsetan, transferentzia arruntetan nahiz kapital transferentzietan, bai udal tributuetan. Helburua askatasun ekonomikoa bermatzen duen finantzabidea lortzea da, toki entitateen eskumenei eta betebeharrei aurre egiteko adinakoa, Nafarroako lurralde orekaren eta kohesioaren printzipioa ikusgai jarriko duena eta udalerrien arteko elkartasunari balioa emanen diona; udalerriek alde bakarreko ikuspegiak gainditu eta finantzaketa eta baliabideak amankomunean jarri beharko dituzte herritarrei ematen dizkiegun zerbitzuen hobekuntza lurralde osoa gerta dadin.

Era berean, gure tokiko instituzioen heldutasuna aintzat hartzea jasotzen da, hau da, nabarmen gutxituko da Nafarroako Gobernuaren esku-hartzea Toki Ogasunen Funtsean zuzeneko zerbitzuak finantzatzeko erabiltzen den zatiaren kudeaketan eta erabileraren gaineko erabakietan.

Foru legeak ezartzen duen printzipioa da Toki Ogasunen Funtsaren zuzkidura Nafarroako Ogasun Publikoaren tributu sarreraren portzentaje finko eta egonkor batean oinarrituta ezarriko dela, toki entitateek tributu sarrera horietan parte hartzeko duten eskubideari erantzunez.

Parte-hartzearen portzentajearen zenbateko zehatza aurrerago erabaki eta ezarriko da beste arau batean, hura kalkulatzeko behar diren azterketak egin ondoren. Lan horrek ekarriko du, halaber, zenbait eskumen zedarritu eta argitzea, oso beharrezkoa baita, kontuan hartuta gaur egun foru esparruan eta toki esparruan gainezkatuta daudela.

Bestalde, eskualde mailako katastroko balorazio txostenak egiteko aukera ezartzen da, eta eransten balorazio txostenak eguneratzeko bete-beharra urratzen denean hura ponderatuko dela Toki Ogasunen Funtsaren banaketan.

Orobat, beste portzentaje tarte bat ezartzen da, 0,25etik 0,50era bitartekoa, hiri-lurreko onda-

sunen gaineko kontribuzioaren zerga tasa eta bizi-lagunik gabeko etxebizitzaren gaineko zergaren lehen urtekoa finkatzeko, eta horrek dakar abenduaren 29ko 20/2005 Foru Legearen xedapen iragankor bakarria aldatu beharra, laugarren artikuluan jaso denez.

IV.

Foru lege honen hirugarren artikulua, halaber, Nafarroako Lurralde Aberastasunaren Erregistroari eta Katastroei buruzko azaroaren 21eko 12/2006 Foru Legea ere aldatzen du, eskualde mailako katastroko balorazio txostenak egitea ahalbidetzeko, arestian adierazi bezala.

Amaitzeko, esan beharra dago foru lege honek indarra hartzeak erreferentziarako esparru berri bat ezarriko duela Nafarroako Toki Administrazio-rako, eta horrekin batera berritzeko prozesu sakona hasiko dela, hemen ezarritako printzipioak mamituko dituzten arauetan gauzatzen joanen dena.

Lehen artikulua. Nafarroako Toki Administrazioari buruzko uztailaren 2ko 6/1990 Foru Legearen aldaketa.

Nafarroako Toki Administrazioari buruzko uztailaren 2ko 6/1990 Foru Legeari aldaketa hauek egiten zaizkio:

Bat. 3. artikulua aldatzen da, eta testu hau izanen du aurrerantzean:

“3. artikulua.

1. Udalez gain, honako hauek ere Nafarroako toki entitateen izaera dute:

a) Eskualdeak.

b) Kontzejuak.

c) Nafarroako Errege Bardeako Komunitatea, Aezkoa Ibarreko Komunitatea, Erronkari Ibarreko Mankomunitatea, Zaraitzu Ibarreko Unibertsitatea, Aralarko Elkarrea eta foru lege honek indarra hartzen duenean herri ondasunen jabe edo administratzaile diren gainerako korporazio tradizionalak.

d) Udalen mankomunitateak.

e) Plangintza orokorrerako mankomunitateak.

2. Foru Komunitateko Administrazioak erregistro bat sortuko du, eta bertan inskribatu beharko dira toki administrazio guztiak, erregelamenduz ezarriko diren datu guztiekin”.

Bi. 19. artikulua aldatzen da, eta testu hau izanen du:

“19. artikulua.

Udal-mugarteen aldakuntza-prozesuen ondorioz azkentzen diren udalerrriak kontzeju gisa gelditzen ahalko dira prozesuaren ondoriozko udal berriaren barrenean, baldin eta frogatzen badute foru lege honen 39. artikuluan aurreikusitako eskumenak egoki betetzeko behar adina baliabide dituztela”.

Hiru. 31. artikuluko 3. eta 4. apartatuak aldatzen dira, eta testu hau izanen dute:

“31. artikulua.

3. Udalerriek eskatzen ahalko diote Nafarroako Gobernuari gutxieneko zerbitzuak emateko betebeharretik salbuesteko, legeria orokorrean aurreikusitakoarekin bat. Nafarroako Gobernuak ezarriko du zein entitatek hartuko duen bere gain salbuespenaren xede den zerbitzua, modu egokian ematen dela bermatzeko, eta eskualdeari esleitzen ahalko zaio zerbitzua ezarri eta emateko zeregina.

Salbuesteko erabakian ezarriko dira baldintzak eta diru ekarpenak, bidezkoak direnak.

Legeria orokorrean ezarritakoez gain, mugartean kontzejuak dituen udalerrria kontzeju horiei zerbitzuak emateko betebeharretik salbuesteko berariazko arrazoia izanen da kontzeju horiek zerbitzuak emateko aski baliabide izatea, beren ondasunen ustiapenari esker, eta halakoetan kontzejuen betebeharra izanen da zerbitzuak ematea.

4. Zerbitzuak behar bezala ematen direla bermatzeko, eskualdeak edo Nafarroako Gobernuak laguntza, lankidetzeta juridikoa, ekonomikoa eta teknikoa emanen die udalerriei, artikuluko honen lehen apartatuan aipatzen den salbuespena, gutxieneko zerbitzuak emateko betebeharra kentzen duena, lortu dutenei”.

Lau. 33. artikulua osorik kentzen da.

Bost. 35. artikuluko 3. apartatuko b) eta c) letrak aldatzen dira. Testu hau izanen dute:

“35.3. artikulua.

b) Beste edozein toki entitate eratu eta aldatzeko espedienteetan nahitaezko txostena ematea.

c) Bere ekimenez edo Nafarroako Gobernuak edo Toki Administrazioiko Departamentuak eskatuta, azterketak, txostenak edo irizpenak egitea eskualdeko udal-mugarteak berrikusteaz edo aldatzeaz, bai eta, oro har, eskualde, udal edo kontzejuaren maparen edozein aldaketaz ere”.

Sei. 36. artikulua aldatzen da. Hona testu berria:

“36. artikulua.

Erregelamenduz ezarriko da Lurralde Mugaketarako Batzordea nola osatu, antolatu eta arituko den. Edonola ere, honako hauek batzordeko kide izanen dira:

a) Foru Komunitateko Administrazioaren ordezkariak.

b) Udalerrien, kontzejuen eta eskualdeen ordezkariak, bertako elkarteek izendatutakoak.

c) Aipatutako toki entitate mota bakoitzaren ordezkariak bermatu beharko da, bai eta eskualdea osatzen duten toki entitate guztiek ordezkari bana gutxienez izatea.

d) Helburuak eta xedeak direla-eta Nafarroako lurralde antolaketarekin lotura berezia edo hartan eragin berezia duten erakunde publiko edo pribatuordezkariak”.

Zazpi. 37. artikuluko 2. apartatua aldatzen da, eta testu hau izanen du:

“37. artikulua.

2. Kontzejuaren izaerako toki entitatea izateko, frogatu beharko da foru lege honen 39. artikuluan aurreikusitako eskumenak egoki betetzeko behar adina baliabide dituztela. Kontzejuak behar adina baliabide duela ulertuko da aski sarrera duenean, berekiak nahiz Nafarroako Gobernuaren edo parte den udalaren transferentzia arrunten bidezkoak. Edozein kasutan ere, Nafarroako Gobernuak baloratuko du baliabide nahikotasun hori”.

Zortzi. 38. artikulua aldatzen da, eta hauxe da testu berria:

Lehena. 3. apartatuak testu hau izanen du:

“3. Kontzeju irekia eratuko da 50 biztanle baino gutxiago dituzten kontzejuetan, edo bizilagun gehiago dituztenetan, baldin eta beren borondatez hala eratzea erabakitzen badute, Batzarrak legezko kideen erabateko gehiengoaz eta kontzejuetarako hauteskunderen deialdia baino lehen hartutako erabakiaren bidez; horren berri eman beharko diote Foru Komunitateko Administrazioari.

Kontzeju irekiak lehendakaria izan beharko du, eta, lehendakariaren gain, kontzejuaren bizi eta hauteskundeak egiten direnean bertako udal erroldan inskribatuta dauden guztiek osatuko dute.

Kontzejuaren lehendakariak kontzeju irekiko kide bat izendatuko du bera ordezka dezan kanpora dagoenean edo gaixotzen denean”.

Bigarrena. 4. apartatuak testu hau izanen du:

“4. Batzarrak lehendakaria izanen du eta, horrez gain, lau bokal, 1.000 biztanletik beherako kontzejuetan, eta lehendakaria eta sei bokal, berriz, 1.000 biztanleko edo gehiagoko kontzejuetan.

Lehendakariak Batzarreko kide bat izendatuko du bera ordezka dezan kanpoan dagoenean edo gaixotzen denean”.

Hirugarrena. 5. apartatua gehitzen da, testu hau izanen duena:

“5. Batzar bidez funtzionatzen ahalko dute, halaber, kontzeju irekiaren araubidean zuzendutako kontzejuak, baldin eta hala erabakitzen badute legezko kideen erabateko gehiengoaz eta kontzejuetarako hauteskunderen deialdia baino lehen hartutako erabakiaren bidez; horren berri eman beharko diote Foru Komunitateko Administrazioari”.

Bederatzi. 39. artikulua aldatzen da, eta hauxe da testu berria:

Lehena. 2. apartatuak testu hau izanen du:

“2. Kontzejuaren komunitatearen interesekoak baizik ez diren obrak eta zerbitzuak kontzejuak berak egin eta ematen ahalko ditu, bere kargura, udalak egin edo eman ezean.

Nafarroako kontzejuak auzalana, auzolana edo artelana antolatzen ahalko dute, edo kontzejuaren komunitatearen onurarako lana, auzobideak eta landabideak egin, konpondu eta hobetzeko, bai eta, oro har, beren eskumeneko lanak egiteko, toki ogasunak arautzen dituen foru araudian ezarritakoarekin eta kasuko ordenantzak xedatzen duenarekin bat”.

Bigarrena. 39. artikuluari 4. apartatua gehitzen zaio, eta testu hau izanen du:

“4. Mugartean kontzejuak dituzten udaletan, zuzenean kontzejuari eragiten dieten gaitan, gai horiei dagozkien erabakiak hartzeko prozesuan eta kudeaketaren segimenduan parte hartzeko eskubidea bermatu beharko zaie.

Parte-hartze hori ziurtatzeko, kontzejuaren parte-hartzerako kontsulta organo espezifiko bat sortuko du udalak, eta organo hori baliatuko da udalaren eta udal-mugarteko kontzejuaren arteko informazio etengabea izateko; horrekin batera, organo horren bitartez kontzejuak plangintza eta programazioko tresnak izanen ditu eskura, eta parte hartzen ahalko du, hitzarekin baina botorik gabe, kasuan kasuko kontzejuaren interesari eragiten dioten gaiak eztabaidatzen diren ordezkaritza organoetan”.

Hamar. 41. artikuluko lehen apartatuari letra berria gehitzen zaio (f letra), testu honekin:

“41. artikulua.

f) Kontzejuaren lehendakariaren kontrako zentsura mozioa aurkeztea, Hauteskunderen Araubide Orokorren Lege Organikoan udalerrietarako aurreikusitakoaren antzera.

Zentsura mozio hori kontzejuaren parte den udal-eko idazkaritzan formalizatu beharko da, eta batzarreko kideen erabateko gehiengoak abalatu beharko du, edo, kontzeju irekien kasuan, auzo-batzarra osatzen dutenen erabateko gehiengoak”.

Hamaika. 42. bis artikulua gehitzen da. Testu hau izanen du:

“42. bis artikulua.

1. Foru lege honen 30. artikuluko 2. apartatuan xedatutakoa ukatu gabe, toki entitate guztiei eskatu beharreko legezko betebeharrak bete daitezten

eta egun dauden egitura administratiboak baliatzeko, kontzejuek eskumenen kudeaketa konpartiturako sistema bat hitzartzen ahalko dute zein bere udalarekin, artikulua honetan aurreikusitako araubidearekin bat, betiere zehaztapen hauek jasota:

a) Kontzejuko tasei, kontribuzio bereziei eta beste edozein baliabide ekonomikori buruzko erabakiak Kontzejuko Batzarrak hartuko ditu edo, kasua bada, Kontzeju Irekiak.

b) Kontzejuko baliabide ekonomikoak Kontzejuko Batzarrak edo, kasua bada, Kontzeju Irekiak erabakitako jarduketarako erabiliko dira.

c) Kontzejuak erabakitako jarduketak gauzatzeko behar diren kontratuak eta gainerako prozedurak, administratiboak nahiz kontabilitatekoak, bere udalak tramitatuko ditu.

2. Edozein kasutan, udalak ez badu onartzen bere mugarteko kontzeju batekin hitzartzea eskumenen kudeaketa konpartiturako sistema, udala parte den eskualdeak hartzen ahalko du bere gain. .

3. Araubide honi atxikitako kontzejuetan, kontzejuaren ondarea kudeatu eta administratzeko egintzei aplikatu beharreko administrazio, aurrekontu eta kontabilitateko prozedurak, hala nola, herri ondasunak edo bestelako ondasun higiezinak eskuratu, besterendu, erabili, ustiatzea, esleitzea eta haien kalifikazio juridikoa aldatzea, udal egoitzan tramitatuko dira, Kontzejuko Batzarrak edo, kasua bada, Kontzeju Irekiak hartutako erabakiekin bat.

4. Kudeaketa gastuen kontraprestazio gisa, udalak edo, kasua bada, eskualdeak kontzejuarekin adosten duen zenbatekoa edo portzentajea jasoko du, kontzejuaren sarrerena, hitzarmen erregulatzailan ezartzen denarekin bat.

5. Kontzeju batek erabakitzen badu eskumenen kudeaketa konpartiturako sistema honi atxikita egoteari uztea, aurretik frogatu beharko du administrazio prozedura erkidea arautzen duen legeriarekin bat administrazio prozedurak tramitzeko eskatzen diren lege betebeharrak betetzen dituela.

Kontzejua sistema horren barruan dagoen bitartean udalaren erregistro eta artxibo elektronikoak erabiliko dira kontzejuaren izenean eta kontura jarduteko”.

Hamabi. 44. artikulua aldatzen da, eta testu hau izanen du aurrerantzean:

“44. artikulua.

1. Honela azkenduko dira kontzejuak:

a. Kontzejuko bizilagun egoiliarren gehiengoak idatziz eskatuta.

b. Kontzejuko gobernu organoak eskatuta, haren kideen legezko kopuruaren bi hereneko gehiengoak hartutako erabakiaren bidez.

c. Kontzejuetarako bi hauteskundetan jarraian hautagai-zerrendarik aurkeztu ez denean, epe horretarako kontuan hartu gabe hauteskunde partzialak.

Kontzejuak bere eskumenak erabiltzeko eta berezko dituen xedeak betetzeko behar adinako baliabide ekonomikorik, materialik edo langilerik ez duela agerikoa denean.

2. Nafarroako Gobernuari dagokio kontzejuen azkentzea dekretatzea, ukitutako kontzejuari eta udalari entzunaldia eman ondoren eta Lurralde Mugaketarako Batzordeak txostena eginda. Azkentzeari buruzko foru dekretua Nafarroako Aldizkari Ofizialean argitaratuko da eta Estatuko Administrazioari igorriko zaio, Toki Entitateen Erregistroan inskribatzeko”.

Hamahiru. 45. artikuluko 3. apartatua aldatzen da, eta testu hau izanen du aurrerantzean:

“45. artikulua.

3. Ohiturazko elkarteek bere gain har ditzakete, eskuordetze araubidean, zerbitzuak emateari edo jarduerak betetzeari dagozkien udal eskumen guztiak, baldin eta eginkizun horiek kasuko eskualdeak ez baditu bere gain hartu”.

Hamalau. 46. artikulua edukia osorik kentzen da.

Hamabost. 53. artikulua edukia osorik kentzen da.

Hamasei. 62. artikulua aldatzen da, eta testu hau izanen du:

“62. artikulua.

Foru Komunitateko Administrazioak laguntza eta lankidetzat juridiko, ekonomiko, administratibo eta teknikoan zerbitzuak ematea bultzatuko du, beharrezkotzat jotzen dituen lanabesen bitartez, toki entitateen kudeaketa ahalmena indartzeko. Ondorio horietarako, zerbitzu horiek kasuko eskualdeak bere gain hartzea sustatuko da”.

Hamazazpi. 65. artikuluko lehen apartatua aldatzen da, eta testu hau izanen du aurrerantzean:

“65. artikulua.

Toki Araubideko Foru Batzordeko burua Nafarroako Gobernuan toki araubidearen arloko eskumena duen kontseilaria izanen da, eta batzordearen osaketa erregelamenduz ezarriko da. Edonola ere, honako hauek batzordeko kide izanen dira:

a) Foru Komunitateko Administrazioaren ordezkariak.

b) Udal eta kontzejuen ordezkariak, bertako elkarteek izendatutakoak.

c) Eratutako eskualdeen ordezkariak.

Era berean, idazkari bat izanen du, batzordeko buruak kideen artetik izendatuko duena, eta buruarde bat, batzordeko buruak udal eta kontzejuen ordezkarien artetik izendatuko duena, ordezkari horiek proposamena egin ondoren”.

Hamazazpi. 65. artikuluko lehen apartatua aldatzen da, eta testu hau izanen du aurrerantzean:

“65. artikulua.

Toki Araubideko Foru Batzordeko burua Nafarroako Gobernuan toki araubidearen arloko eskumena duen kontseilaria izanen da, eta batzordearen osaketa erregelamenduz ezarriko da. Edonola ere, honako hauek batzordeko kide izanen dira:

a) Foru Komunitateko Administrazioaren zazpi ordezkari.

b) Udal, kontzeju eta eskualdeen hamabost ordezkari, bertako elkarteek izendatutakoak.

Aipatutako toki entitate mota bakoitzaren ordezkari beratu beharko da, bai eta eskualdea osatzen duten toki entitate guztiek ordezkari bana gutxienez izatea.

Era berean, idazkari bat izanen du, batzordeko buruak kideen artetik izendatuko duena, eta buruarde bat, batzordeko buruak udal eta kontzejuen ordezkarien artetik izendatuko duena, ordezkari horiek proposamena egin ondoren”.

Hemezortzi. 90. artikulua edukia osorik kentzen da.

Hemeretzi. V. tituluko III. kapitulua aldatzen da. Hona testu berria:

“III. KAPITULUA

Partzuergoak eta plangintza orokorrerako mankomunitateak

212. artikulua. Partzuergoak.

1. Toki entitateak izaera desberdinetako administrazio publikoekin elkartzen ahalko dira beren

borondatez, eta alde guztien intereseko helburuak erdiesteko partzuergoak eratu.

2. Partzuergo horiek berezko nortasun juridikoa eta beren helburuak betetzeko ahalmen osoa duten entitate publikotzat joko dira. Beren eskumeneko zerbitzuak toki araubideko legeetan aurreikusirik dauden bideak erabiliz ematen ahalko dituzte. Partzuergoa eratzeko, udalaren esku uzteko tramitea bete beharko da aurretik, partzuergoaren xedea delarik tramite horren menpe dauden zerbitzuak edo jarduerak ematea edo betetzea.

3. Aurreko bi apartatuetan xedatutakoari jarraituz eratutako partzuergo bakoitza bere gobernu organo gorenean boto kopuru handiena duen administrazio publikoari atxikiko zaio aurrekontu ekitaldi bakoitzean. Administrazio batek baino gehiagok boto kopuru bera dutenean, berdinketa kasuetarako kalitateko botoa duena izendatuko da. Halakorik ezean, arreta jasotzeko bizilagun gehien edo lurralde zabalena duen Administrazioari atxikiko zaio, partzuergoaren estatutuetan definitutako xedea zein den, pertsonen zerbitzuak ematea edo lurraldearen gaineko jarduketak garatzea.

4. Halaber, toki entitateek partzuergoak ezarzen ahalko dituzte irabazi-asmorik gabeko elkarre, fundazio edo entitate pribatuekin ere, horiek dituzten interes publikoko helburuak toki administrazioen helburuekin bat baldin badatoz.

5. Partzuergoaren estatutuak onetsi aurretik jendaurrean egon beharko dute hamabost egunez, eta bertan zehaztuko dira partzuergoaren araubide organikoa, funtzionala eta finantzarioa, bai eta helburuak ere.

6. Nazioarteko partzuergoen kasuan, gaiari buruz Estatuko legerian xedatutakoari jarraituko zaio.

213. artikulua. Plangintza orokorrerako mankomunitateak.

1. Plangintza orokorrerako mankomunitateak dira toki eskumeneko zerbitzuak emateko eratzen diren entitateak, aplikatzekoa den legerian ezarrita dagoenean Nafarroako Gobernuak lankidetzat eginkizun beharrezkoa bete behar duela horietan.

2. Foru lege bidez, eskumenak esleitzen ahal zaizkio plangintza orokorrerako mankomunitateari, ematen dituen zerbitzuei dagozkien zerga arloko kudeaketan, diru-bilketan eta ikuskaritzan.

3. Plangintza orokorrerako mankomunitatean parte hartzen duten toki entitateek beti izanen

dute, denek batera, botoen gehiengoa beren gobernu organo gorenean”.

Hogei. 234. artikulua aldatzen da, eta hau da testu berria:

Lehen. Lehen apartatuak testu hau izanen du:

“234. artikulua. Eginkizun publiko beharrezkoen azalpena eta horiek betetzea.

1. Hauek dira eginkizun publiko beharrezkoak Nafarroako toki entitate guztietan:

a) Idazkaritza lanak, fede publikoa eta nahi-taezko lege-aholkularitza barne direla.

b) Kontu-hartzailertza lanak, barneko kontrol eta fiskalizazioa, ekonomiaren, finantzen eta aurrekontuen arloko aholkularitza eta kudeaketa eta, azkenik, kontabilitatea barne direla.

c) Diruzaintza lanak, funtsak erabili eta gorde-tzea eta diru-bilketa barne direla.

Oro har, idazkaritza eta kontu-hartzailertza eginkizun publikoak Foru Komunitateko Administrazioak emandako gaikuntza duten funtzionarioek baizik ez dituzte beteko.

Diruzaintzako eginkizunak eta agintea erabil-tzea dakartenak foru lege honetan ezarritako zehaztapenen arabera betetzen ahalko dira.

Artikulu honen 3. apartatuan aurreikusitako kasuetan salbu, idazkaritza, kontu-hartzailertza eta diruzaintzako eginkizun publikoak ezin izanen dira aldi berean bete foru lege honen 243.2 eta 244.2 artikuluetan aurreikusitako beren berariazko lanpostuak dituzten toki entitate desberdinetan”.

Bigarrena. 234. artikuluko 2. apartatuko a) letrak testu hau izanen du aurrerantzean:

“Foru lege honen 243.2 a) eta 244.2 a) artikuluetan aurreikusitako eskualdeetan, ohiturazko elkarreetan, berariazko lanpostu duten mankomunitateetan eta udaletan eginkizun horiek toki entitate bakoitzak dituen langileek beteko dituzte”.

Berariazko lanposturik ez duten udaletan idazkaritza eta kontu-hartzailertza eginkizun publikoak kasuko eskualdeak dituen langileek beteko dituzte, foru lege honen 361.1 e) artikuluko 1. apartatuan ezarritakoarekin bat”.

Hirugarrena. 234. artikuluen 2. apartatuko b) letrak testu hau izanen du:

“Kontzejuetan eginkizun horiek arau hauei jarraikiz beteko dira:

a. Eskumenen kudeaketa konpartituaren kasuan, foru lege honen 42.bis) artikuluan aurreikusitakoan, idazkaritza eta kontu-hartzailertza

zerbitzu administratiboak udaleko funtzionarioek beteko dituzte.

b. Gainerako kasuetan, idazkaritza eta kontu-hartzailertza zerbitzu administratiboak kasuko eskualdeko funtzionarioek beteko dituzte”.

Laugarrena. 234. artikuluko 3. apartatuak testu hau izanen du:

“3. Titularra kanpoan, gaixorik edo lanpostua erreserbatzeko eskubidea ematen duen beste administrazio egoera batean badago, eta orobat, lanpostua behin betiko betetzeko arau-eragozpen bat badago, edo funtzionario batek betetzeko deitutako lanpostu hutsa aldi baterako bete behar bada, idazkaritza eta kontu-hartzailertza eginkizun publiko beharrezkoak honako hauek betetzen ahalko dituzte:

a) Eskualdeetan:

a.1. Eskualdeko funtzionario batek, nahikoa den foru gaikuntza duenak, edo plantillako langile finko batek, behar den titulazioa eta eginkizunak betetzeko halabeharrez gaikuntza duenak, edo deialdi publikoaren bidez hautatutako langile batek, araubide administratiboan aldi baterako kontratatutakoak.

a.2. Behar den foru gaikuntza duen funtzionario batek, zerbitzuak beste toki entitate batean ematen dituenak, baldin eta behar bezala frogatzen bada ezinezkoa izan dela lanpostu horiek aldi baterako betetzea aurreko apartatuan aurreikusitako aukeren bidez, edo hura betetzeko tramitazioak iraun bitarte. Horretarako, lehenago, Toki Administrazioaren arloan eskumena duen departamentuari jakinarazi beharko zaio eta ukitutako toki entitateen baimena lortu beharko da.

b) Berariazko beren lanpostu duten gainerako toki entitateetan:

b.1. Entitateko plantillako langile finko batek, lanpostu horretan aritzeko behar den titulazioa eta entitateak horretarako halabeharrez emandako gaikuntza duenak, edo deialdi publiko baten bidez hautatutako pertsona batek, administrazio araubidean aldi baterako kontratatutak.

b.2. Behar den foru gaikuntza duen funtzionario batek, zerbitzuak beste toki entitate batean ematen dituenak, baldin eta behar bezala frogatzen bada ezinezkoa izan dela lanpostu horiek aldi baterako betetzea aurreko apartatuan aurreikusitako aukeren bidez, edo hura betetzeko tramitazioak iraun bitarte. Horretarako, lehenago, Toki Administrazioaren arloan eskumena duen departamentuari jakinarazi beharko zaio eta ukitutako toki entitateen baimena lortu beharko da”.

Hogeita bat. 236. artikuluko 2. apartatuak testu hau izanen du:

“236. artikulua.

2. Nafarroako Gobernuan toki administrazioaren arloko eskumena duen departamentuari dago kio hautatu eta izendatzea idazkaritza eta kontu-hartzaitzako eginkizun publiko beharrezkoak, foru gaikuntza dutenei erreserbatutakoak, bete behar dituzten langileak.

Langile horiek betetzen dituzten lanpostuak eskualdeko plantilla organikoko lanpostuzat hartuko dira foru lege honen 361.1 e) artikuluan aurreikusitako kasuetan, edo kasuan kasuko toki entitatekoak, 243.2 eta 244.2 artikuluetan araututako haien berriazko lanpostuak direnean.

Ondorio horietarako, eskualdeek beren plantilla organikoetan sartuko dituzte foru gaikuntza duten funtzionarioei erreserbatutako lanpostuak, beren mugarteko toki entitateetan eginkizun publiko beharrezkoak betetzen direla bermatzeko behar direnak”.

Hogeita bi. 238. artikuluko 2. apartatua aldatzen da. Hona testu berria:

“238. artikulua.

2. Toki entitateek behar beste neurri (antolamendukoak, langile arlokoak eta materialak) hartuko dituzte eginkizun publiko beharrezkoak eta osagarriak betetzen dituzten langileei betebeharrak independentzia, objektibotasun eta inpartzialtasun osoz betetzea bermatzeko”.

Hogeita hiru. 243. artikuluko 1. eta 2. apartatuak aldatzen dira, eta testu hau izanen dute:

“1. Idazkari lanpostuak esleituta izanen ditu fede publikoa ematearen administrazio-erantzukizuna eta nahitaezko lege aholkularitzakoa; erantzukizunok foru lege honetako 239. eta 239. (bis) artikuluetan daude adierazita.

Idazkari lanpostuaren eginkizunak izanen dira, era berean, toki entitate horren bulego eta zerbitzuak antolatu eta zuzentzeko eginkizunak, gerentzia-lanak betetzen dituen A mailako beste langile bati esleituta ez daudenean.

Idazkari lanpostu espezifikoaren berezko eginkizunak eskualdeetako funtzionarioek ere beteko dituzte kasuko lurralde esparruetan, Foru Komunitateko Administrazioak emandako gaikuntza dutenek, 361.1.e) artikuluan ezarritako zehaztapenekin bat”.

2. Honakoetan egonen da toki entitateko berriazko idazkari lanpostu:

a) 1.500 bizilagun edo gehiago dituzten udalerrietan, foru lege honetako 361.1.e) artikuluan xedatutakoa ukatu gabe bizilagun gutxiago izanik ere hala erabakitzen duten udalerrietarako, arau horretan ezarritakoarekin bat.

b) Eskualdeetan.

c) Lanpostu espezifikoak duten mankomunitateetan.

d) Ohiturazko elkarteetan, baldin eta hala badago xedatuta beren erregelamendu, ordenantza, hitzarmen, akordio, epai edo itunetan”.

Hogeita lau. 244. eta 244. bis artikulua aldatzen dira, eta testu hau izanen dute:

“244. artikulua. Kontu-hartzaile lanpostua.

1. Kontu-hartzaile lanpostuak foru lege honen 240., 240. (bis) eta 240. (ter) artikuluetan adierazitako eginkizunen administrazio-erantzukizuna izanen du esleitua.

Kontu-hartzaile lanpostuari berez dagozkion eginkizunak gain, diruzaintza lanak ere egin beharko ditu, diruzainaren lanposturik ez duten entitateetan.

Kontu-hartzaile lanpostu espezifikoari dagozkien eginkizunak eskualdeetako funtzionarioek ere beteko dituzte kasuko lurralde esparruetan, Foru Komunitateko Administrazioak emandako gaikuntza dutenek, 361.1.e) artikuluan ezarritako zehaztapenekin bat”.

2. Kontu-hartzaile lanpostua nahitaez izan beharko dute honakoetan:

a) 3.000 bizilagun edo gehiago dituzten udalerrietan, foru lege honetako 361.1.e) artikuluan xedatutakoa ukatu gabe 2.000 bizilagun baino gehiago izan eta plantilla organikoan lanpostu hori sortu duten udalerrietarako, arau horretan ezarritakoarekin bat.

b) Ohiturazko elkarteetan, hala badago xedatuta beren erregelamendu, ordenantza, hitzarmen, akordio, epai edo itunetan, eta, betiere, azken bost urteetan urteko gastu arrunta hiru milioi eurotik gorakoa izan bada.

c) Eskualdeetan”.

“244. bis artikulua. Kontu-hartzaile lanpostuen sailkapena.

1. Aurreko artikuluan aipatzen diren kontu-hartzaile lanpostu guztiak eta 2.000 bizilagun baino gehiago dituzten udalerrietan, Nafarroako Toki Araubidea eguneratzeari buruzko urriaren 29ko 11/2004 Foru Legearen 1. artikuluan xedatuaren

babesean sortutakoetan daudenak, A mailakoak izanen dira.

2. Biztanle kopuruaren bilakaeraren arabera edo toki entitateak beste edozein zirkunstantziarengatik hala erabakitzen duelako, entitateari duena baino maila altuagoko kontu-hartzaile bat baldin badagokio, salbuetsita egonen da lanpostu hori gerora etorritako sailkapenaren arabera gaikuntza duten langileekin bete beharretik, betiere sailkapen baxuagoa izanik lan horiek egiten dituen funtzionarioaren egoera pertsonalak iraun arte. Horrelakoetan, funtzionario horrek eginkizun horietan segitzen ahalko du, baina daukan mailatik goragoko gaikuntzarik eskuratu gabe”.

Hogeita bost. 245. artikuluko 1. eta 2. apartatuak aldatzen dira, eta testu hau izanen dute aurrerantzean:

“245. artikulua.

1. Nafarroako toki entitateetan idazkaritza eta kontu-hartzailetzako eginkizun publiko beharrezkoak betetzeko, Nafarroako Foru Komunitateko Administrazioak ematen duen gaikuntza lortu beharko da.

Aurrekotik salbuetsirik dago foru lege honetan Iruñeko Udalerako aurreikusitakoa.

2. Gaikuntza lortzeko alde aurreko betebeharra izanen da oposizio-lehiaketa bidez eginen den deialdia gainditzea txanda irekian.

Izangai asko izateagatik edo administrazio eraginkortasuneko beste arrazoi batzuegatik egokia denean, deialdian ezartzen ahalko da lehiaketaldiko balorazioa oposizioaldia amaitu ondoren egitea.

Kasu horietan, izangaiek deialdia argitaratzen den egunean alegatzen dituzten merezimenduak oposizioaldia egin ondoren frogatu beharko dituzte, soilik, hura gainditu duten izangaiek, epaimahaiak hala egiteko eskatu eta hamabost eguneko epean”.

Hogeita sei. 246. ter artikuluko 1. apartatua aldatzen da, eta testu hau izanen du aurrerantzean:

“246. ter artikulua.

1. Foru gaikuntza duten funtzionarioentzat erreserbatutako lanpostuak, merezimendu lehiaketan deialdietan betetzen ez direnak, 245. artikuluan aipatzen den gaikuntza lortzen dutenei esleituko zaizkie, betiere Toki Administrazioaren arloko eskumena duen departamentuko titularrak izendatu ondoren eta izangaiek hautaketa egin ondoren lortutako puntuazioaren arabera eta lanpostu hu-

tzen hizkuntza eskakizunaren arabera, eta foru lege honen 250. artikuluan 2. apartatuan ezarritako irizpideei jarraikiz. Esleitzen diren lanpostuen jabetza hartzeko araubidea Nafarroako Administrazio Publikoen zerbitzuko langileen Estatutuan eta Nafarroako Administrazio Publikoetako lanpostuak betetzeko erregelamendua onesten duen ekainaren 5eko 13/1985 Foru Dekretuan ezarritakoarekin bat etorriko da”.

Hogeita zazpi. 247. artikuluko 2. apartatua aldatzen da. Hona testu berria:

“247. artikulua.

2. Lehiaketa horien xedea izanen da betetzea, hutsik badaude, foru lege honetako 243.2, 244.2 eta 361.1 e) artikuluetan ageri diren lanpostuak; lanpostuon deialdia hiru urtean behin eginen da gutxienez, eta foru lege honetako 245. artikulua aipatzen duen gaikuntza lortzeko deialdia onetsi baino lehen eginen da”.

Hogeita zortzi. 248. artikulua aldatzen da. Hona testu berria:

“248. artikulua. Lanpostuak betetzeko deialdiak egin aurreko prozedura.

1. Toki Administrazioaren arloan eskumena duen departamentuak, foru gaikuntza duten funtzionarioentzat erreserbatutako lanpostuak betetzeko lehiaketan deialdia egin baino hiru hilabete lehenago gutxienez, jarduketa hauek eginen ditu:

a) Toki entitateei adieraziko die zeintzuk diren, foru lege honen 243.2, 244.2 eta 361.1 e) artikuluetan sartuta egonik, hutsik dauden edo hutsik egon daitezkeen idazkari edo kontu-hartzaile lanpostuak.

b) Ohiturazko elkarteei eta Iruñeko Udalari galdetuko die zer erabaki duten beren idazkari eta kontu-hartzaile lanpostuak sistema arruntarekin bete beharrekoen artean sartzeari buruz.

c) Informazioa bilduko du a) letran aipatzen diren toki entitate guztietan, jakiteko zer lanpostu dauden erreserbatuta, aplikatzekoa den araudia- ren arabera, desgaitasuna dutenentzako txandakoentzat.

d) Toki entitateei informazioa eskatuko die funtzionario-araubidean bete daitezkeen lanpostuen hizkuntza eskakizunari buruz.

2. Aurreko paragrafoan adierazitako jarduketak bukatu eta bi hilabeteko epean, toki entitateek departamentu horretara joko dute, lan hauetarako:

a) Jakinarazteko bete beharreko zer lanpostu dauden erreserbatuta desgaitasunak dituzten txandakoentzat, halakorik baldin badago.

b) Idazkari eta kontu-hartzaile lanpostuen hizkuntza eskakizuna zehazteko. Ezarritako epean jakinarazten ez badute, ondorioztatuko da euskaraz jakitea ez dela nahitaezkoa, eta Foru Komunitateko Administrazioarako araudi espezifikoak ezartzen duenarekin bat baloratuko da.

Udalez gaindiko entitateetako idazkari eta kontu-hartzaile lanpostu berekien hizkuntz eskakizuna, foru lege honen 243.2 eta 244.2 artikuluetan aurreikusitakoena, egoitza zer toki entitateetan dagoen, toki entitate horretakoak direla ulertuko da.

Eskualdeak, Foru Komunitatearen gaikuntza duten lanpostuen hizkuntz eskakizuna, bere mugartean dituenena, definitu aurretik, kontsulta eginen zaie eginkizun publiko beharrezkoen hartzaile diren toki entitateei, eta, betiere, indarreko araudia bete beharko da.

3. Aurreko puntuan ezarritako epea bukatuta eta toki entitateen komunikazioak aztertuta, toki administrazioaren arloan eskumena duen departamentuak, lehiaketen deialdia egin baino lehen, Nafarroako Aldizkari Ofizialean argitaratuko du 247. artikuluko 2. eta 3. apartatuetan ezarritakoari jarraikiz funtzionario araubidean bete beharreko idazkari eta kontu-hartzaile lanpostuen zerrenda eta, behar denean, honakoak zehaztuko ditu: desgaitasuna dutenenentzako txandan betetzeko erreserbak eta lanpostu bakoitzaren hizkuntza eskakizuna”.

Hogeita bederatzia. 250. artikuluko 2. apartatua aldatzen da eta testu hau izanen du aurrerantzean:

“250. artikulua. Merezimenduak.

2. Euskara maila frogatzeko eta kasu bakoitzean balorazioa egiteko, Nafarroako Foru Komunitateko Administrazioako langileentzat hizkuntza horren ezagutzaren tratamenduaren gainean ezarritako araudiari segituko zaio”.

Hogeita hamar. 252. artikulua aldatzen da. Hona testu berria:

“252. artikulua. Esleipenak eta jabetza-hartzeak.

1. Merezimenduen lehiaketen ondorioz lanposturen bat esleituak gertatzen direnek hilabeteko epean hartu beharko dute izendapenaren xedeko lanpostuaren jabetza, izendapena Nafarroako Aldizkari Ofizialean argitaratzen denetik hasita. Horrekin batera, aurreko lanpostua utzi beharko dute, kasua bada.

Dena dela, administrazio eraginkortasuna helburu, deialdia egin duen organoak lanpostuaren

jabetza hartzeko egun jakin bat finkatzen ahalko du. Horrelakoetan, aurreko paragrafoan ezarritako epea gainditzen ahalko da.

2. Aurreko apartatuan aurreikusi gabekoetan azaroaren 6ko 215/1985 Foru Dekretuan merezimendu lehiaketei dagokienez aurreikusitakoak aginduko du. Foru dekretu horren bidez, Nafarroako Administrazio Publikoetako lanpostuak betetzeko Erregelamendua onetsi zen”.

Hogeita hamaika. 254. artikulua aldatzen da eta hau da testu berria:

Lehena. 1. apartatuaren a) letraren testua hau da:

“Arau-hauste arinen kasuan, diziplina espedienteak irekitzea toki entitateko alkateari edo udalburuari dagokio”.

Bigarrena. 2. apartatuko a) letrak testu hau izanen du:

“Arau-hauste arinen kasuan, zehapenak ezartzea toki entitateko alkateari edo udalburuari dagokio”.

Hogeita hamabi. 255. artikuluko 1. apartatua aldatzen da. Hona testu berria:

“1. Nafarroako Foru Komunitatearen gaikuntza duten funtzionarioen administrazio egoeraren deklarazioa egitea toki entitateko buruari dagokio”.

Hogeita hamahiru. 257. artikuluko 2. eta 4. apartatuak aldatzen dira, eta testu hau izanen dute:

“257. artikulua.

2. Diruzain lanpostua beharrezkoa izanen da 25.000 biztanle baino gehiago dituzten udalerrietako udaletan.

4. Plantilla organikoan kontu-hartzaile lanpostua duten edo sartzea erabaki duten udaletan edo gainerako udalez gaindiko toki entitateetan, kontu-hartzaileari egokituko zaizkio entitatearen diruzaintzako eginkizunak”.

Hogeita hamalau. 333. artikuluko 1. apartatua aldatzen da, eta testu hau izanen du aurrerantzean:

“333. artikulua.

1. Nafarroako toki entitateen jardura administratiboa, administrazioarekiko auzien jurisdikzioaren kontrolaren menpe dagoena, bide hauetako batetik aurkaratzen ahalko da:

a) Legeria orokorrean ezarritako errekurtsio jurisdikzionalak edo administratiboak aurkeztuz organo eskudunetan.

b) Kapitulu honen bigarren sekzioan ezarritako gora jotzeko errekurtsua aurkeztuz Nafarroako Administrazio Auzitegian. Auzitegi horren ebazpenek, espresuek edo presuntziozkoek, amaiera emanen diote foru administrazio bideari eta administrazioarekiko auzien jurisdikzioko organo eskudunetan aurkaratzen ahalko dira”.

Hogeita hamabost. 337. artikuluko 1. apartatua aldatzen da eta testu hau izanen du aurrerantzean:

“337. artikulua.

1. 333. artikuluko 1. apartatuko b) letran aipatzen den gora jotzeko errekurtsua aukerakoa eta doakoa izanen da eta, jartzekotan, Nafarroako Administrazio Auzitegian jarriko da, egintza edo erabakia espresua bada hura jakinarazi edo argitaratu ondoko hilabetean.

Egintza espresua ez bada, presuntziozko egintza gertatu eta biharamunetik aurrera jartzen ahalko da errekurtsua, betiere bere araudi espezifikoarekin bat”.

Hogeita hamasei. 338. artikuluko 2. apartatua aldatzen da, eta testu hau izanen du aurrerantzean:

“338. artikulua.

2. Gora jotzeko errekurtsuak sei hilabeteko epean ebatzi beharko da. Epe horretan ebazpen espresurik eman ezean, errekurtsuak ezetsizat jutzen ahalko dira”.

Hogeita hamazazpi. 340. artikulua aldatzen da, eta testu hau izanen du:

“340. artikulua.

1. Nafarroako Administrazio Auzitegiaren ebazpenak betearaztea errekurtsuaren xede den egintza edo erabakia eman duen toki entitateko organoari dagokio.

2. Nafarroako Gobernuak, Nafarroako Administrazio Auzitegiak eskatuta, egokia dena xedatzen ahalko du aipatu ebazpenak subsidiarioki beteazteko, baita beharrezkoak diren funts ekonomikoaren exekuzioa eta erabilera posible egiten duten eskumenetan besterik gabe subrogatzea ere”.

Hogeita hemezortzi. Titulu berria gehitzen da, X.a, eta testu hau izanen du:

“X. TITULUA Eskualdeak

I. kapitula Xedapen orokorrak

352. artikulua. Eskualdeen definizioa, izaera eta helburuak.

1. Nafarroako Foru Eraentza Berrezarri eta Hobetzeari buruzko abuztuaren 10eko 13/1982 Lege Organikoaren 46. artikuluan, 1. apartatuko a) letran eta 1925eko azaroaren 4ko Errege Lege-dekretu Itunduaren 13. oinarrian aitortzen den eskumen historikoaz baliatuz, ezaugarri eta interes komunak dituzten udalerrri mugakideek eskualdeak osa ditzakete, eta eskualde horiek toki entitate izaera izanen dute.

2. Eskualdeak lurraldeko toki entitateak dira, udalez gaindiko izaera dutenak, beren nortasun juridikoa eta beren helburuak betetzeko gaitasuna eta autonomia dutenak.

3. Eskualde bakoitzak bere gain izanen du udalez gaindiko zerbitzuak eman eta jarduerak kudeatzea, eta eskualdeko populazioaren interesak eta lurraldea ordezkatzeko ditu Nafarroako elkartasuna eta lurralde oreka handiagoak izan daitezen.

4. Era berean, eskualdeak hura osatzen dituen udalekin batera lan egingen du bere helburu betetzeko.

353. artikulua. Eskualdeen ahalmenak.

Eskualdeari honakoak dagozkio bere eskumenak betetzeko:

a) Erregelamenduzko eta autoantolaketarako ahalmenak.

b) Finantza eta tributu ahalmenak.

c) Programazio eta plangintza ahalmena.

d) Bere egintzak zuzenbidearen arabekoak eta bete beharrekoak direla jotzea.

e) Nahitaezko betearazpenerako eta zehape nerako ahalmenak.

f) Bere egintzak eta erabakiak ofizioz berrikus teko ahalmena.

g) Bere ondasun eta eskubideen enbargaezintasuna legeetan aurreikusitako moduan; Ogasun Publikoari bere kredituei dagokienez aitortzen zaizkion hurrenkera, lehentasuna eta gainerako prerrogatibak, Estatuko Ogasunari eta Nafarroako Foru Komunitatekoari dagozkionak ukatu gabe.

h) Bere ondasunak desjabetu, ikertu, mugak ezarri eta ofizioz berreskuratzeko ahalmenak.

354. artikulua. Eskualde-mugartea.

1. Eskualde-mugartea eskualdea sortzen duen foru legean mugatzen den lurralde osoa izanen da.

2. Udalerrri bakoitza eskualde bakar batekoa izaten ahalko da.

3. Udal-mugarteen aldaketak eskualde mugetan eragina baldin badu, eskualde banaketaren aldaketa ere aldi berean ebatzi beharko da.

4. Eskualdeek lurralde-jarraitutasuna izan beharko dute, Petilla Aragoiko udalerrria hartzen duena salbu, bere kokapen geografikoaren ezaguri bereziak direla eta.

5. Eskualdeak sortzeko prozesua amaituta, Nafarroako udalerrri guztiek haietako batean sartuta egon beharko dute, 359. artikuluko 2. apartatuan xedatutakoa ukatu gabe.

355. artikulua. Zerbitzuen izena eta egoitzak.

1. Eskualdeen izena haietako bakoitza sortzeko foru legean ezartzen dena izanen da.

2. Eskualde bakoitza sortzen duen foru legeak ezarriko du zein udalerritan izanen duten egoitza eskualdeko organoek.

3. Aurreko apartatuan ezarritakoa gorabehera, eskualdeak sortzen dituzten foru legeek beste udalerrri batzuei esleitzen ahalko diete zerbitzu batzuen egoitza.

4. Eskualdeen izena eta egoitza aldatzeko, foru lege honen 21. artikulutik 26. artikulura bitartekoetan udalerrietarako ezarritakoaren antzeko prozedura bete beharko da.

II. kapitulua

Eskualdeak sortzea

356. artikulua.

Foru lege batek sortuko du eskualde bakoitza, bai eta ezarri ere haren izena, lurralde esparrua, egoitza, baliabide ekonomikoak eta eskumenak, zeinak, gutxienez ere, foru lege honen 361. artikuluko 1. apartatuan aurreikusitakoak izanen baitira; foru lege horretan ezarriko dira, halaber, gobernu organoen osaketa eta funtzionamendua.

Era berean, foru lege horrek arautuko du nola eginen den ordura arte udalez gaindiko beste entitate batzuen esku zeuden eginkizunak, ondasunak eta langileak eskualdera eskualdatzeko prozesua, beste entitate horiek azkendu eginen baitira eskualdea sortzean, foru lege honen 370. eta 371. artikuluetan ezarritakoarekin bat, salbu eta Ohiturazko Elkartek, mugarte bakoitzean daudenak.

Udalez gaindiko entitate horien gobernu organoek jardunean jarraituko dute eskualdeko batzarra eratu eta lehendakaria hautatu arte.

357. artikulua.

Eskualdea sortzeko prozesua honela hasten ahalko da:

1. Eskualde horrekin lotutako udalek proposatuta, honela:

a) Eskualdea osatu behar duten udalen here-naren ekimenez, gutxienez.

b) Udal horietako baten edo batzuen ekimenez, baldin eta kasuko lurraldeko hautes-eroldaren erdia ordezkatzan badute gutxienez.

Bi kasuetan, ekimenaren erreferentzia izanen da Nafarroako Toki Administrazioaren Erreformatarako /2018 Foru Legearen lehen xedapen iragankorrean zehazten den eskualde mugaketa, eta osoko bilkura bakoitzaren erabakia beharko da, udalbatza osatzen duten legezko kideen erabateko gehiengoaren aldeko botoekin onartua.

2. Nafarroako Gobernuaren ekimenez, eskualde bat sortzeko prozesuari hasiera emateko Nafarroako Toki Administrazioaren Erreformatarako /2018 Foru Legearen lehen xedapen iragankorrean zehazten den eskualde mugaketaren arabera, foru legeak indarra hartu eta urtebetera zerikusia duten udalek ekimena gauzatu ez badute.

358. artikulua.

1. Eskualdea sortzeko ekimena udalerrien denean, Nafarroako Gobernuan toki administrazioaren eskumena duen departamentuak, behin udalen erabakiei buruzko ziurtagiriak jaso ondoren, eta jaso eta hilabeteko epean gehienez ere, erabaki horiek igorriko dizkie proposatutako eskualde mugaketan sartutako gainerako udalei.

Udal horiek modu espresuan adierazi beharko dute proposamena onartzen duten edo ez, osoko bilkura bakoitzak erabakia hartuta, udalbatza osatzen duten legezko kideen erabateko gehiengoaren aldeko botoekin onartua, erabaki horiek jakinarazi eta gehienez ere 2 hilabeteko epean.

Udalak ez badu erabakirik hartzen edo epe horretan erabakirik jakinarazten ez badu, ulertuko da ez duela eragozpenik proposatutako eskualdean sartzeko.

2. Nafarroako Toki Administrazioaren Erreformatarako /2018 Foru Legearen lehen xedapen iragankorrean zehazten den eskualde mugaketaren arabera zein eskualdetan dauden kokatuta, horrekin ados ez dauden udalerriek, beste eskualde

batekin mugakide direnek, beste horretan sartzea eskatzen ahalko dute egokia iruditzen bazaie.

Eskaera horrek baldintza hauek bete beharko ditu:

a) Udalbatza osatzen duten legezko kideen erabateko gehiengoaren aldeko botoekin hartutako erabakiaren bidez onartzea.

b) Zer eskualdetan sartzea eskatzen den, eskualde horretan sarturik dauden edo sartu behar diren udalen bi herenek gutxienez eragozpenik ez izatea.

3. Ekimena Nafarroako Gobernuarena denean, toki administrazioaren arloko eskumena duen departamentuak dagokion erabakia igorriko die eskualdean sartu behar diren udalerrri guztiei, berariaz adieraz dezaten hura onartzen duten edo ez, aurreko apartatuetan ekimena udalena den kasurako ezarrita dagoenarekin bat.

4. Bi kasuetan, entzunaldia emanen zaie proposatutako eskualde mugaketaren barruan dauden kontzejuei.

359. artikulua.

1. Ukitutako udalerrri eta kontzeju guztien iritzia berri izan ondoren, Nafarroako Gobernuak erabakia hartuko du eskualdeko entitatearen bidez kotasunaz eta behin betiko osaketaz, toki administrazioaren arloko eskumena duen departamentuak txostena eman eta gero.

Udalerriren batek uko egiten badio proposatutako eskualdean sartzeari, txosten horretan berariaz adierazi beharko da udalerrria eskualde horretan edo haren mugakidean sartzeari buruzko iritzia, aurreko artikuluko 2. apartatuan ezarritakoarekin bat.

2. Eskualdearen parte izateko proposatutako udalerrien bi bostenek berariaz sartzeari kontra daudela adierazten badute, Nafarroako Gobernuak ezin izanen du iritzirik eman eskualdearen eraketaz, betiere udalerrri horiek gutxienez ere kasuko lurraldeko hautesle eroldaren erdia ordezkatzu gero.

360. artikulua.

1. Nafarroako Gobernuaren erabakia eskualdea sortzearen aldekoa bada, Eskualdeko Batzorde Teknikoa sortuko da, kide hauekin osatuta: Foru Komunitateko Administrazioaren ordezkariak, eskualderako proposatutako esparruan sartutako udalena eta udalez gaindiko entitateenak eta ukitutako langileenak.

Langileen ordezkariak Nafarroako Administrazio Publikoen Mahai Orokorrak proposatuta izendatuko dira.

2. Eskualdeko batzorde teknikoaren erabakiek eragin zuzena izan dezaketenean zenbait interesetan, batzordeak horien berri emanen die interes horiek ordezkatzeko dituzten pertsona edo entitateei, bereziki langileak ordezkatzeko dituzten entitate edo erakundeei.

3. Eskualdeko batzorde teknikoaren xedea txosten zehatz bat egitea izanen da gai hauei buruz:

a. Eskualdean sartu behar diren udalez gaindiko entitateetako langileen, eginkizunen, ondasunen eta zerbitzuen eskualdeak, foru lege honen 370. eta 371. artikuluetan aurreikusitakoaren arabera.

b. Nafarroako Toki Administrazioaren Erreformatarako /2018 Foru Legearen lehen xedapen iragankorrean aurreikusitako eskualde mugaketan ezartzen diren kasuetan, azpieskualdeak eratzea, lege honen 369. artikuluan adierazitakoarekin bat.

c. Eskualdeko batzorraren kide kopuruari buruzko proposamena.

4. Txosten hori, aurreko paragrafoan ezarritako zehaztapenekin, nahitaezkoa izanen da eta eskualdea sortzen duen foru legearen aurreproiektua onesteko prozeduran bidezkoak direnei erantsiko zaie.

5. Eskualdeko batzorde teknikoa aldi batekoa izanen da eta eskualdea sortzen duen foru legeak indarra hartzean besterik gabe azkenduko da.

III. kapitulua

Eskumenak eta zerbitzuak

361. artikulua.

1. Eskualdeek arlo hauetan izanen dituzte eskumenak:

a) Oinarrizko gizarte zerbitzuak, udalez gaindikoak, aplikatzeko den foru araudi sektorialarekin bat, oinarrizko legeriak udalerritarako gordetzen dituen eskumenak ukatu gabe.

Egun Oinarrizko Gizarte Zerbitzuak bakarrik kudeatzen dituzten udalerriek hartan segitzen ahalko dute, hala eskatzen badute eta 10.000 bizilagun baino gehiago badituzte.

b) Uraren goi hornidurako sareak, udalez gaindikoak, eta ziklo hidraulikoaren lanak egiteko udal eta kontzejuei ematen zaizkien laguntzen kudeaketa, arlo horretako indarreko foru legerian eta planeamendu sektorialean xedatutakoarekin bat,

edateko uraren etxeetako hornidurari dagokion udal eskumena ukatu gabe.

Ur horniduraren prozesu osoa, goikoa nahiz behekoa, bakarrik kudeatzen dituzten udalerrriak salbuetsirik egoten ahalko dira, hala eskatzen badute, betiere beste udalerrri batekin akuiferorik, edateko uren azpiegitarik edo hodi sarerik konpartitzen ez badituzte.

c) Hondakinen tratamendua, udalez gaindikoa, Nafarroako Gobernuako planeamendu gidariaren esparruan.

Bereziki jarduera hauek betetzen ahalko dituzte, besteak beste, hiri hondakin solidoen kudeaketaren arloan udalek dituzten eskumenak ukatu gabe:

1. Hondakinen balorizazioa.

2. Prebentzio, garraio, errefusen erabilera, kontrolik gabeko zabortegiaren itxiera eta hiri hondakin birziklatzea helburu, Nafarroako Gobernuak sustatzen dituen plan eta programak gauzatzen laguntzea.

3. Eraikuntza eta eraipen jardueretatik datozten hondakin inerteen, pneumatikoen, bolumen handiko hondakinen eta animalien jatorriko hondakinen arloetan Nafarroako Gobernuak sustatzen dituen plan eta programak gauzatzen laguntzea.

4. Hiri hondakinak tratatzeko azpiegituren eta deuseztatzeko ekipoen erabilera kudeatu eta koordinatzea.

5. Hiri hondakinen gaikako bilketa, berrerabiltzea eta birtziklatzea bultzatu eta laguntzeko sustapen neurriak.

6. Hiri hondakinen arloan herritarren informatu eta sensibilizatzeko kanpainak sustatu eta planifikatzea.

7. Hiri hondakinen arloko indarreko araudia aplikatzen ote den zaindu eta kontrolatzea.

d) Lurraldearen antolamendurako eskualde mailako tresnen eskualdeko planeamendua eta kudeaketa, aplikatzeko den araudiarekin bat.

e) Idazkaritza eta kontu-hartzailtzako zerbitzu administratiboak.

Lehena. Idazkaritza eta kontu-hartzailtzako zerbitzu administratiboak 1.500 edo 3.000 biztanle baino gutxiagoko udalei, hurrenez hurren.

Horretarako, eskualdeak bermatuko du toki entitate horietan ematen direla foru lege honen 234. artikuluan eta hurrengoetan aurreikusitako eginkizun publiko beharrezkoak, eskualdeko udal eta kontzejuei laguntzeko zerbitzuari atxikita dau-

den eta Nafarroako Foru Komunitateko Administrazioak emandako gaikuntza duten beren funtzionario bitartez.

Eskualdeko toki entitateetan eginkizun publiko beharrezkoak emateari buruz aurreko apartatuan aurreikusitakoak ez du galaraziko lanpostu horiei beste eginkizun batzuk edo eginkizun osagarriak esleitzea.

Zerbitzu horiek emateko lurralde esparruak zehazteko, erreferentzia gisa hartzen ahalko da, salbu eta behar edo komenigarritasun ekonomiko nahiz administratiboek eragindako arrazoi agerikoak badaude, Nafarroako Toki Administrazioaren Erreformatarako /2018 Foru Legeak indarra hartzean eratuta zeuden administrazio zerbitzuen batasunak, betiere bi baldintza hauek betetzen badira:

a) Eskualde berean sartuta dauden udalerrri mugakideak izatea.

b) Zerikusia duten toki entitate guztiek hala adieraztea, osoko bilkurak kideen legeko kopuruaren erabateko gehiengoaz hartutako erabakia- ren bidez.

Aurreko apartatuetan xedatutakoa gorabehera, bizilagun gutxiago dituzten udalerrietan ere berariazko idazkari lanpostua izaten ahalko dute, Nafarroako Foru Komunitatearen gaikuntza duena, hala erabakitzen badu osoko bilkurak kideen legeko kopuruaren erabateko gehiengoaz, eta beti ere inguruabar hauetako bat tartean dela:

– Udalerrri konposatuak izatea, beren idazkari lanpostua dutenak Nafarroako Toki Administrazioaren Erreformatarako /2018 Foru Legeak indarra hartzean, populazioguneen sakabanaketa geografikoa dela-eta komeni denean beren idazkari lanpostua izatea.

– Azken bost urteetan urteko gastu arrunta 500.000 eurotik gorakoa izatea.

Aipatutako erabakia toki administrazioaren arloko eskumena duen departamentuari igorri beharko zaio bi hilabeteko epean gehienez ere Nafarroako Toki Administrazioaren Erreformatarako /2018 Foru Legeak indarra hartzen duenetik.

Beren kontu-hartzaile lanpostu berariazkoa izanen dute, halaber, 2.000 biztanle baino gehiagoko udalerriek, baldin eta, Nafarroako Toki Araubidea eguneratzeko urriaren 29ko 11/2004 Foru Legearen 1. artikuluan xedatutakoaz baliatuz, lanpostu hori sortu eta plantilla organikoan badute Nafarroako Toki Administrazioaren Erreformatarako /2018 Foru Legeak indarra hartzen duen egunean.

Bigarrena. Bere mugarteko kontzejuei idazkari-tza eta kontu-hartzaitzako administrazio zerbitzuak ematea, foru lege honen 234.2 b) artikuluan aurreikusitakoarekin bat.

2. Horrez gain, eskualdeak ur edangarriaren behe hornidurako zerbitzuak emanen ditu, bai eta hondakin uren ebakuazioa eta tratamendukoak eta hiri hondakin solidoen bilketa eta kudeaketa-koak ere, orokorrean mankomunaturik dauden zerbitzuak direlako, baldin eta eskumenaren titular diren udalerriek bertan behera uzten ez badute kasuan kasuko mankomunitateari emandako eskuordetzea.

3. Eskualdeek betetzen ahalko dituzte Foru Komunitateko Administrazioaren eskumenen esparruan legeria sektorialak esleitzen dizkien eskumen berekiak, betiere Toki Araubideko Oinarriak arautzen dituen apirilaren 2ko 7/1985 Legearen 25. artikuluko 3., 4., eta 5. apartatuetan ezarritakoari lotuz, gai hauetan:

- a) Kultur ondarearen babesa.
- b) Ingurumenaren babeserako esku-hartzea.
- c) Hiriarteko garraioa eskualdearen esparruan.
- d) Osasuna eta osasungarritasun publikoa.
- e) Landa ingurunearen garapena, nekazaritza, abeltzaintza eta erabilera publikoko deklarazioak duten mendiak.
- f) Gazteak.
- g) Turismoa.
- h) Kirola.
- i) Kontsumitzaileen eta erabiltzaileen babesa.
- j) Haur Hezkuntzako lehen zikloa.
- k) Musika eskolak.
- l) Liburutegiak.
- m) Legeria sektorialari jarraikiz ezartzen diren beste gai batzuk.

362. artikulua. Sostengu eta laguntza eginkizunak eta zerbitzuen zorroa.

1. Eskualdeek beren lurralde esparruko udal eta kontzejuei sostengua eta laguntza emateko eginkizunak beteko dituzte, batez ere ekonomia eta kudeaketa arloan gaitasun apalagoa dutenei. Besteak beste, zerbitzu hauek ematen ahalko dizkiete:

– Administrazio elektronikoaren ezarpen eta mantentze-lanetan laguntzea.

– Aholkularitza, txostenak egitea eta laguntza teknikoa hirigintza eta ingurumen gaietan.

– Laneko arriskuen prebentzioa.

– Euskarara itzultzeko zerbitzu teknikoak.

– Udalek eta kontzejuek zeinek bere eskualdearen esparruan eskatzen dituzten beste zerbitzu espezifikoko batzuk.

Nafarroako Gobernuak sustatuko du sostengu eta laguntza teknikoa emateko eginkizun horiek abian jartzea, foru lege honen 62. artikuluan aurreikusitakoaren arabera.

Eskualdeak laguntza berezia emanen die udal konposatuei, beren mugarteko kontzeju guztiekin eskumenen kudeaketa konpartiturako hitzarmenak izenpetu dituztenei, hala eskatzen badute.

2. Beren eskumenei dagozkien zerbitzuez gain, eskualdeek beste zerbitzu batzuk ematen ahalko dizkiete beren esparruko toki entitateei, hala eskatzen dutenei, jarduera materialak, teknikoak edo zerbitzuetakoak egiteko, eskuordetze bidez edo esleipen bidez, besteak beste arlo hauetakoak:

– Beste zerbitzu administratibo batzuk.

– Polizia eta babes zibila.

– Hirigintza, etxebizitza eta ingurumen arloa.

– Garapen ekonomikoa.

– Hezkuntza zerbitzuak.

– Kirolaren sustapena, kirol instalazioak eta aisialdiaren erabilera.

– Kulturaren sustapena eta kultur ekipamenduak.

– Gazteak.

– Berdintasun politikak.

– Euskara.

363. artikulua. Eskuordetzeak eta kudeaketa-esleipenak.

1. Foru Komunitateko Administrazioak eskumenen erabilera eskuordetzen ahalko die eskualdeei, edo esleipena egin, jarduera materialak, teknikoak edo zerbitzuak betetzeko.

2. Udalek eta kontzejuek eskumenak eskuordetzen ahalko dizkiete eskualdeei.

364. artikulua. Hitzarmenak.

Eskualdeek hitzarmenak izenpetzen ahalko dituzte beren esparruko udalerrri eta kontzejuekin

bi aldeen interesekoa den edozein gaitan elkarlanean aritzeko.

Hitzarmen horiek izenpetzen dituzten udalerriek eta kontzejuek eskualdearen eskumenei dagozkien betearazpen eginkizunak betetzen ahalko dituzte.

365. artikulua.

Eskualdeak elkarlanean aritzen ahalko dira, hitzarmen edo itun bidez, horien xedea hauetako bat baldin bada: ondasunak edo instalazioak batera erabiltzea, edo bientzako zerbitzuak ematea, mugarte osoan eragina dutenak, toki garapeneko agentziak ezartzea, adibidez, kudeaketa publikoa efizienteagoa izan dadin.

366. artikulua.

1. Zerbitzuak kalitatez eta efizientziaz ematen direla bermatzeko, bikoizterik eta disfuntziorik gabe, eskualdeak zerbitzu hauek koordinatzen ahalko ditu bere esparruan, horren justifikazio tekniko eta ekonomikoa egin ondoren:

a) Toki Araubideko Oinarriak arautzen dituen apirilaren 2ko 7/1985 Legearen 26.2 artikuluan aurreikusitako zerbitzuak, 20.000 biztanle baino gutxiagoko udalerrietan.

b) Eskumen berekiak eta eskuordetze bidez esleitutakoak ez diren eskumenak betetzen emandako zerbitzuak.

2. Aurreko apartatuan aipatzen diren zerbitzuei dagokienez, Eskualdeko Batzarrak eta azpieskualdeko Kontseiluak proposatzen ahalko dute eskualdeak berak zuzenean ematea edo kudeaketa konpartiturako formulak ezartzea, ukitutako udalerriak ados badaude eta aplikatzekoa den oinarrizko araudian ezarritakoarekin bat.

367. artikulua. Sustapen jarduerak.

1. Eskualdeek lehentasuna izanen dute Foru Komunitateko planetan udalez gaindiko obrak eta zerbitzuak sartzeko, orokorrean ezartzen diren baremoekin bat.

2. Nafarroako Gobernuak aholkularitza eta laguntza berezia emanen du eskualde berriak eratzeko eta daudenen funtzionamendurako.

3. Eskualde bakoitza antolatu eta abian jartzeko prozesua lagunduko du bereziki Nafarroako Gobernuak, beharrezkoak diren inbertsioetarako eta behar diren funtzionamendu gastuetarako laguntzak emanez.

368. artikulua. Eskumenak esleitzea eta betetzeari buruzko arau orokorra.

Lege honetan arautzen diren eskumenak esleitu eta betetzea eskualdearen mugarteari eta haren interes berekiei dagokiela ulertzen da, betiere ukatu gabe udalerriek beren udal autonomiaren poderioz dituzten eskumenak.

IV. kapitulua Azpieskualdeak

369. artikulua. Azpieskualdeak.

1. Eskualde bakoitza sortzeko foru legeak aurreikusten ahalko du, Nafarroako Toki Administrazioaren Erreformatarako /2018 Foru Legearen lehen xedapen iragankorrean jasotzen den eskualde mugaketan aurreikusitako kasuetan, eskualdean azpieskualde bat edo bi egoteko aukera, eskualdeko udalerrietako batzuek dituzten ezaugarri sozialak, geografikoak edo administratiboek gainerako udalerrietatik argi bereizten dituztenean, baina eskualdea osatzeko adinakoak izan gabe. Udalerri horiek lurralde jarraitutasuna izan beharko dute.

2. Kasu horretan, eskualdeek azpieskualdeen kontseilu bat edo bi izanen dituzte, beren esparruko toki entitateen ordezkariak osatuak.

Eratu ondoren, eskualdeko batzarrak ezarriko du azpieskualdeko kontseiluko kideen kopurua eta hautatzeko modua.

Kontseilu horrek burua izanen du, eta guztienez hiru hilean behin egin beharko du bilkura arrunta.

3. Azpieskualdeko kontseiluak proposamenak eta ekimenak egiten ahalko dizkio eskualdeko batzarrari, eta aginduzko kontsulta loteslea eskatu beharko zaio azpieskualdearen interesen esparruari nabarmen eragiten dioten gaitan, eskualdea sortzeko foru legean horretarako ezarritakoarekin bat.

Gai horiek ez dira izanen, inolaz ere, eskualdeko udalez gaindiko ur hornidurako edo goi hornidurako eskumenei dagozkienak, ez eta udalez gaindiko hondakin tratamenduari dagozkionak ere.

Bereziki, azpieskualdeko kontseiluak proposamenak egiten ahalko ditu eta nahitazeko txosten loteslea eman beharko du eskualdeak foru lege honen 366. artikuluan aurreikusitako zerbitzuak zuzenean emateaz, eskualdearen esparru osoari eragiten dioten zerbitzuen kasuan salbu.

V. kapitulua

Eskualdean dauden udalez gaindiko entitateak

370. artikulua.

1. Eskualde bakoitza sortzeari buruzko foru legeak indarra hartzean dauden udalez gaindiko

entitateen ondorengoak izanen dira eskualdeak, mankomunitatutako eginkizunen titular diren subjektu publiko gisa, hurrengo artikuluetan ezarritakoarekin bat, ohiturazko elkarteei dagokiena salbu.

2. Eskualdea sortzeari buruzko foru lege bakoitzean arautuko dira udalez gaindiko entitateetako langileen, eginkizunen, ondasunen eta zerbitzuen eskualdaketak, haien lurralde esparrua eskualdearena denean, osorik edo zati batean.

3. Eskualdea udalez gaindiko entitatearen ondorengoa izanen da entitateari emandako gastu arrunten transferentziak eta inbertsioak jasotzeari dagokionez.

4. Udalez gaindiko entitate desagertuen funtsak udalez gaindiko inbertsioak finantzatzeko erabiltzen ahalko dituzte eskualdeek, edo udalez gaindiko entitateetako langileak, eginkizunak, ondasunak eta zerbitzuak eskualdeari eskualdazeak ekartzen dituen gastuak ordaintzeko.

Bereziki, funts horiek erabiltzen ahalko dira kasuan kasuko eskualdeak bere gain hartutako eginkizunak ezartzeko behar diren azpiegiturak hobetu edo osatzeko. Era berean, eskualdeak hartuko ditu bere gain zorrak eta gerakin negatibak.

5. Eskualdeak ordu arte udalez gaindiko entitateek betetako zerbitzuen kudeaketan subrogatzeak ez du berez ekarriko zerbitzuaren estatutu araubidea aldatzea erabiltzaileei dagokienez, ez eta, kasua bada, kontzesio-hartzaileari dagokionez ere.

6. Mankomunitate batean sartuta dauden udalerrietako batzuk mankomunitate horren ondorengoa den eskualdekoak ez direnean, eskualde horrek bere lurralde esparruko udalerriei dagokienez bere gain hartu behar dituen helburuak zehaztuko dira.

Horrek dakartzan ondorioak ikusita, mankomunitatearen estatutuak aldatzea planteatuko da haren osaketa eta helburuak egoera berrira egokitzeko. Hori dela-eta ezinezkoa baldin bada mankomunitateak irautea, edo mankomunitateak dagozkion zerbitzuak ematea ziurtatzerik ez bada, mankomunitatearen ondorengoa den eskualdeak haiek mantentzea bermatu beharko du, eta, horretarako, hitzarmenak egiten dira eskualde mugakideko udalerrri interesdunekin, kasuko eskualdea eratu arte.

Kasu horretan, eskualde bakoitza sortzen duen foru legeak ezarriko du langileak zein toki entitateari atxiki, zenbait irizpide kontuan harturik, hala nola, lanpostuak betetzen dituzten langileak fun-

tzionarioak edo lan-kontratudun finkoak diren eta haien antzinasuna lanpostu horietan.

7. Eskualde baten lurralde esparruan dauden udalez gaindiko entitate batzuen helburuak bat ez badatoz eskualde horren eskumenekin, entitate horiek helburu horiei dagokienez baizik ez dute iraunen, eta beren estatutuak egoera berrira moldatu beharko dituzte.

Hori dela-eta ezinezkoa baldin bada udalez gaindiko entitateak irautea, edo dagozkion zerbitzuak ematea ziurtatzerik ez badago, eskualdeak bermatu beharko du zerbitzuak ematen direla, eta, horretarako, hitzarmenak egin entitatearekin, kasuko eskualdea eratu arte.

371. artikulua. Udalez gaindiko entitateak eskualdeetan sartzeko prozesurako legezko bermeak.

1. Udalez gaindiko entitateetako langile guztiak, aurreko artikuluan ohiturazkoa elkartearako aipatutakoaren kasuan salbu, entitate horiek zein eskualderen lurralde esparruan sartzen diren, eskualde horretan sartuko dira, eskualde bakoitza sortzen duen foru legeak indarra hartzean indarra zuten baldintzekin, funtzionarioenak nahiz kontratadunenak, eta edozein dela ere kontratu mota.

2. Sozietate publikoak mantendu egiten dira, eta kasuan kasuko zerbitzua ematen duen eskualdearen menpe egonen dira hortik aurrera.

3. Udalez gaindiko entitateen azpiegitura sarean eta zerbitzuen titulartasuna, berriz, entitate horiek zein eskualdetan sartzen diren, eskualde horrena izanen da hortik aurrera. Eskualdean partzialki sartuz gero, entitatearen egoitza zein herritan zegoen, kontuan hartuko da herri hori zer eskualdetan dagoen edo egonen den, eskualde horri egokituko baitzaio titulartasuna.

4. Azpiegituren sarearen titularra den udalez gaindiko entitatearen ondorengoa ez den eskualde batean sartzen diren udalez zerbitzua jasotzen jarraitzen ahalko dute, zerbitzua ematen duen eskualdean sartzen diren udalei aplikatzen zaizkien baldintza berdinetan.

5. Eskualdeak behar diren neurriak hartuko ditu egiturak (antolaketakoak, higiezinenak, langile eta baliabideenak) bere beharretara egokitzeko, betetzen dituen jardueren eta ematen dituen zerbitzuen arabera.

Horretarako, eskualdeek beren langileak antolatzeko planak onetsi beharko dituzte, neurri hauetako batzuk barne, besteak beste:

a) Dauden langileak eta behar direnak aztertzea, bai kopuruaren ikuspegitik bai haien ezauga-

rri profesionalak edo kualifikazio mailak aintzat hartuz.

b) Lana antolatzeko sistemei eta lanpostuen egituren aldaketei buruzko aurreikuspenak.

c) Mugikortasuneko neurriak, besteak beste kanpoko langileak esparru zehatz batean sartzea etetea, edo lanpostuak betetzeko lehiaketak deitzea, zehazten diren esparruetako langileentzat mugatuta.

d) Barne igoerarako neurriak, langileen prestakuntzakoak eta nahitaezko mugikortasunekoak, aplikatzekoa den araudian xedatutakoarekin bat.

e) Langileak enplegu publikoaren eskaintzaren bidez hartzeko aurreikuspena.

6. Era berean, aplikatzekoa den araudiarekin bat, eskualdeak neurriak hartuko ditu enplegu publikoan aldi baterako lanpostuen kopurua murrizteko eta plantillaren egonkortasuna sendotzeko, eta sektore pribatura jotzea mugatzeko, langile beharrak iraunkorrak ez direnean edo ohi-koak ez diren jarduerak egin behar direnean baizik ez erabiltzeko, jarduera horiek bertako langileek betetzea ezinezkoa denean, teknikoki espezifikoak direlako, edo beste arrazoi batengatik.

VI. kapitulua

Antolaketa eta funtzionamendua

372. artikulua. Eskualdearen organoak.

1. Eskualde guztietan egonen dira lehendakari-tza, gobernu batzordea eta eskualdeko batzarra.

2. Kontuen batzorde berezi batek entitatearen urteko kontuei buruzko txostena eginen du, onesteko aurkeztu aurretik.

3. Erregelamendu organikoak egitura administratiboa arautu beharko du, bai eta eskualdeko organoen eta udalerrien eta, kasua bada, ezartzen diren organo osagarrien arteko harremanen sistema ere.

4. Mugartean kontzejuak dituzten eskualdeetan, eskualdeak sortzeko foru legeetan kontsulta organo bat egotea aurreikusi beharko da, kontzejuen parte-hartzea bideratzeko espezifikoak izanen dena.

373. artikulua. Lehendakari-tza.

1. Eskualdeko batzarrak lehendakaria aukeratu du kideen artean, batzarra eratzen den bilkuran bertan. Batzarreko kide guztiak izaten ahalko dira lehendakari-gai.

2. Hautagaia lehendakari hautatzeko, botoen erabateko gehiengoak lortu beharko du lehen boz-

ketan, eta gehiengo sinplea aski izanen da, berriz, bigarren bozketan. Berdinketa gertatuz gero, biztanle gehien dituen udalari dagokion hautagaia hautatuko da.

3. Lehendakaria kargutik kentzen ahalko da zentsura mozio baten bidez, Hauteskunde Araubide Orokorren buruzko Lege Organikoan udalerrietarako aurreikusitako moduaren antzera.

4. Lehendakariak batzarreko kide bat edo gehiago hautatuko ditu lehendakariorde izateko, eta horiek ordeztuko dute lehendakaria, izendapenaren ordenaren arabera, kargua hutsik dagoenean, lehendakaria ez dagoenean edo gaixorik dagoenean, eta lehendakariak espresuki eskuordetzen dizkien eskudantziak beteko dituzte.

374. artikulua. Eskualdeko batzarra.

1. Eskualdearen gobernu eta administrazioa eskualdeko batzarrari dagozkio; batzarra lehendakariak eta batzarkideek osatuko dute.

2. Eskualdeko batzarreko kideen kopurua eskualdea sortzeko foru legean ezarriko da eskualde bakoitzerako.

Batzarreko kideak izendatzeko sistema mistoa izanen da, eskualde guztietan berdina, arau hauen arabera:

a) Batzarreko kideen bi heren eskualdeko udalen osoko bilkurek izendatuko dituzte karguaren jabetza hartu duten zinegotzien artean.

b) Beste herena azken udal hauteskundeetan alderdiek, koalizioek, federazioek eta hautesle elkarteek eskualdean eskuratutako boto kopuruaren proportzioan izendatuko da.

3. Udal bakoitzak batzarreko kide izateko izendatu beharrekoen kopurua udalerriko biztanle kopuruaren arabera ezarriko da, azken udal hauteskundeak egin ziren unean indarra zuen hautesle erroldako datuekin bat. Eskualde bakoitzak ezarriko du zein diren batzarra osatzeko irizpideak, errolda horretako populazio datuen arabera.

4. Udalerriak sortu eta ezabatzen direnean, eta mugarteak aldatzen direnean, prozesutik ateratzen diren toki entitateek errealitate berrira egokitu beharko dute eskualdean duten ordezkari kopurua.

375. artikulua. Gobernu batzordea.

Gobernu batzordea lehendakariak eta kontseilariak osatuko dute; kontseilari guztiek batzarkideak izan beharko dute, eta haien kopurua ez da izanen legezko kontseilari kopuruaren herena baino handiagoa. Batzarrak ezarriko du Gobernu Batzordeko kideen kopurua.

Batzordeari dagokio lehendakariari laguntzea eta lehendakariak edo batzarrak eskuordetzen dizkion eskudantziak baliatzea, eskualdearen erregelamendu organikoan jasota egonen direnak.

376. artikulua. Eskualdean lortutako boto kopuruaren araberrako izendapena.

1. Eskualdeko udalerrietako udal guztiak eratu ondoren, hauteskunde batzordeak, hamar egun balioduneko epean, eskualdean zinegotziren bat lortu duten alderdi politiko, koalizio eta hautesleen elkarte guztien zerrenda bat egiten du, haietako bakoitzak lortutako boto kopuru txikienetik handienara ordenatuta.

2. Ondoren, hauteskunde batzordeak talde politikoei eskualdean dagozkien tokiak banatuko ditu, haietako bakoitzak lortutako boto kopurua zati bat, bi, hiru edo gehiago eginda, batzarreko toki kopurura iritsi arte, eta toki horiek esleituko dizkie zatidura handienak dituzten erakundeei.

3. Alderdi, koalizio, edo elkarteen zatiduretan berdinketa gertatzen bada, toki hutsa boto kopuru handiena duenari esleituko zaio, eta, berdinketa gertatuz gero, eskualdean zinegotzi kopuru handiena duenari.

Modu subsidiarioan, zozketaz erabakiko da.

4. Tokiak esleitu ondoren, Hauteskunde Batzordeak dei egiten die batzarrean tokiak lortu dituzten erakunde politikoei, batzarreko kide izan behar dutenak izanda ditzan eskualdeko udalerrietako zinegotzien artean, bai eta haien ordezkioak ere.

Erakunde horiek zerrenda adostu bat aurkezten ahalko diote Hauteskunde Batzordeari, talde politiko horrek eskualdean dituen zinegotzien gehiengoaren sinadurarekin. Zerrenda horretan jasota egonen dira batzarreko kide izendatzeko proposatzen diren zinegotzien onarpena eta sinadura.

5. Kasuan kasuko Batzarrean tokiak esleitzeko, udal hauteskundeetara aurkezten diren hautesle elkarteak biltzen ahalko dira, baldin eta udal hauteskundeak egin aurretik horren berri eman badiote idatziz Hauteskunde Batzordeari.

377. artikulua. Udalek izendatzea.

Udalen osoko bilkurek udalei dagozkien ordezkariak izendatu beharko dituzte, udalbatza eratzeko bilkura egin ondoko lehen bilkuran, eta izendapena karguen jabetza hartu duten zinegotzi hautatuen artean egin beharko da.

Aurreko artikuluan ezarritakoari jarraikiz, Hauteskunde Batzordeak eskualdeko batzarreko kide

izendatu dituen zinegotziak ezin izanen dira udal-tan izendatu.

378. artikulua. Eskualdeko batzarra eratzeta.

1. Eskualdeko Batzarra jendaurreko bilkuran eratuko da eskualdearen egoitzan, udal hauteskundeak egin eta hiru hilabeteko epean gehienez ere.

2. Eratzeko bilkuran adineko mahaiak beteko du lehendakaritza, bertan diren batzarreko kide zaharrenak eta gazteenak osatuta, eta idazkari lanak eskualdeko idazkariak beteko ditu.

379. artikulua. Funtzionamendua.

1. Eskualdearen erregelamendu organikoak horretan ezartzen duena ukatu gabe, eskualdeko batzarrak bilkura arrunt bat egiten du gutxienez hiru hilean behin, eta bilkura berezia, berriz, lehendakariak deitzen duen aldiro, bere ekimenez edo kideen laurdenak proposatuta, bilkuraren gai zerrendan gai bat edo batzuk sartzeko eskaerarekin batera.

2. Bilkura berezia eskatzen denean, eskatzen denetik egiten denera bitarte ezin dira hamabost egun baliodun baino gehiago igaro.

3. Lehendakariak Batzarreko kideen kopuruak eskatzen duen bilkura bereziko deialdia zehaztutako epean egin ezean, hartarako deialdia automatikoki egingo da epe hori bukatu eta hamargarren egun balioduneko hamabietarako. Toki entitateko idazkariak horren berri emanen die batzarreko kide guztiei lehen adierazitako epea bukatu eta biharamunean.

4. Deialdia, bilkurak egiteko modua, erabakiak hartzeko modua, eraketarako quoruma eta bozketak toki araubidearen arloan aplikatzekoa den legerian xedatutakoak arautuko ditu.

380. artikulua. Batzarreko kideen kargu-uztea.

Batzarra osatzen duten kideen kargu-uztea kasu hauetan gertatuko da:

a) Udalbatza bateko kideak izanda, agintaldia bukatu dutenean; batzarreko kide gisa jardunean jarraitu behar dute gaien administrazio arrunterako bakarrik, karguan haien ondorengoak izanen direnak izendatu arte.

b) Epai irmoagatik, heriotzagatik, desgaitasunagatik edo zinegotzi karguari edo batzarreko kide karguari uko egiteagatik. Kasu horretan, zein udal-taldea den, udal horrek, edo Hauteskunde Batzordeak batzarreko kide berri bat izendatu beharko du.

Hura izendatu zuen udal osoko bilkurak kargutik kentzea onesten duenean, eskualdeko batzarreko kidearen kargua bide horretatik eskuratu duten ordezkarien kasuan.

381. artikulua.

Eskualdeko batzarrak eta lehendakariak beteko dituzten eskudantziak eta izanen duten funtzionamendua toki araubideko legerian udal osoko bilkurari eta alkatetzari dagokienez jasotako arauen arabera izanen dira.

382. artikulua.

Batzarreko kideek aplikatzekoa den legeria orokorrean hautaezintasun eta bateraezintasun kasuetarako aurreikusitako arauak bete beharko dituzte uneoro, eta Batzarrari jakinarazi beharko diote horiek ekar ditzakeen edozein egitate, Hauteskundearen Araubide Orokorrari buruzko Lege Organikoaren 178. artikuluan eta foru lege honen 54.2 artikuluan ezarritako moduan.

383. artikulua.

Herritarren partaidetzari dagokionez, eskualdearen erregelamendu organikoak jasoko ditu, gutxienez, toki araubideari buruzko legerian sartuta dauden tresnak eta prozedurak.

384. artikulua.

Eskualdeen zerbitzuko langileen araubidea foru lege honen VII. tituluan xedatutakoak arautuko du.

Eskualdeek beren berariazko idazkari eta kontu-hartzaile lanpostuak izanen dituzte, Nafarroako Foru Komunitatearen gaituntza dutenak”.

Bigarren artikulua. Nafarroako Toki Ogasunei buruzko martxoaren 10eko 2/1995 Foru Legea aldatzea.

Nafarroako Toki Ogasunei buruzko martxoaren 10eko 2/1995 Foru Legea honela aldatzen da:

Bat. 9. artikulua aldatzen da. Hona testu berria:

“Eskualdeen baliabideak.

9. artikulua.

1. Nafarroako eskualdeek foru lege honen 5. artikuluan aurreikusitako baliabide ekonomikoak izanen dituzte.

Tasa eta kontribuzio berezietatik sortzen diren tributu baliabideek Nafarroako Toki Administrazioari buruzko uztailaren 2ko 6/1990 Foru Legearen 361. artikulua eskualdeei esleitzen dizkien eskumenekin lotuta egon beharko dute.

2. Horrez gain, eskualde bakoitzak berau sortzeko legeak esleitzen dizkion baliabide ekonomikoak ere izaten ahalko ditu.

Foru lege honen 361. artikuluan aurreikusitako kasuetan, legeria sektorialak behar adinako baliabide ekonomikoak zehaztu beharko ditu, eskualdeak bete ahal ditzan esleitutako eskumenak.

3. Eskualdeak bere gain hartutako eskumenei dagokienez, udalerriek ematen zituzten zerbitzuen kasuan, udalerriek eman beharko dizkiote eskualdeari finantzaketan laguntzeko hitzartzen diren baliabide ekonomikoak.

4. Eskualdeen baliabideak beren betebeharrak guztiei erantzuteko erabiliko dira”.

Bj. 10 (bis) artikulua berria gehitzen da. Hau da testua:

“Zerbitzuen mankomunitateen eta plangintza orokorrerako mankomunitateen baliabideak.

10. bis artikulua.

Plangintza orokorrerako mankomunitateek foru lege honen 10. artikuluan mankomunitateetarako aurreikusitako baliabide ekonomiko berdinak izanen dituzte.

Foru lege bidez, ematen dituen zerbitzuei dagozkien zerga arloko kudeaketa, diru-bilketa eta ikuskaritza eskumenak esleitzen ahal zaizkio plangintza orokorrerako mankomunitateari”.

Hiru. 123. artikulua aldatzen da, eta testu hau izanen du:

“123. artikulua.

1. Nafarroako udalerriek, kontzejuek eta eskualdeek parte hartuko dute Nafarroako Ogasun Publikoaren tributu sarreretan, sarrera guztien portzentaje finko bat hartuz urtero, zehaztaperen arabera bat:

a. Portzentaje hori Nafarroako Toki Ogasunak arautzen dituen foru legerian ezarriko da, eta, behin Nafarroako Foru Komunitateak Estatuari egin beharreko ekarpen ekonomikoa kenduta, Nafarroako toki entitateen eta Foru Komunitateko Administrazioaren artean unean-unean indarrean dagoen eskumen-banaketa araberak kalkulatuko da, Nafarroako Toki Administrazioaren Erreforma-2018 Foru Legearen zortzigarren xedapean iragankorrean ezarritakoarekin bat.

b. Nafarroako toki entitateen artean banatu beharreko oinarria kalkulatzeko erreferentziatzat hartuko dira kasuan kasuko aurrekontua onetsi aurretik Ogasun Publikoak itxitako azken kontabilitate ekitaldian izandako tributu sarrerak.

2. Toki entitateek Nafarroako tributuetan duten parte-hartzearen zenbatekoa hauen bitartez banatu zaie entitate horiei:

a) Transferentzia arruntak, toki entitateak ematen dituen zerbitzuak finantzatzeko, Nafarroako Gobernuak finantzaketa moduluak ezarri dituenan horietarako.

Transferentzia horien zenbatekoa aipatutako moduluetan ezarriko da.

b) Kapital transferentziak, Nafarroako Gobernuak onetsitako toki azpiegituren plan zuzendariekin lotutako inbertsioak finantzatzeko, plan horietan zehazten baita udalerrria baino handiagoa den lurralde esparrurako estrategia zerbitzu zehatz batean.

c) Libreki erabaki beharreko zenbateko bat, toki entitate bakoitzari esleituko zaiona printzipio hauekin bat: justizia, proportzionaltasuna, kohesio soziala, lurralde oreka eta finantza askitasuna; zenbateko horren erabilera toki entitate bakoitzak erabakiko du bere autonomiaz baliatuz, eta aplikatzen ahalko du finantzatzeko bai bere gastu arrunta bai azpiegiturako inbertsioak.

Esleipen horretarako irizpideak foru lege bidez ezarriko dira.

d) Finantzaketarako lerro espezifikoak, besteak beste honakoak, gutxienez ere:

– Hiriburutza Agirien sistemak.

– Nafarroako toki entitateen ordezkari diren elkarte edo federazioentzako laguntza ekonomikoak, Foru Komunitatean duten ezarpenaren proportzioan.

– Toki entitateek hautetsien dedikazioaren kontzeptuan ordaindutako zenbatekoen konpentsazioa.

3. Funtsaren zuzkidura, eguneratzeko modua eta indarraldia ezartzen dituen foru legeak ezarriko du, halaber, banaketa formula, zeinak kontuan hartu beharreko banaketa aldagaiak zehaztuko baititu, artikuluko honen bigarren paragrafoko c) letran azaldutako printzipioetan oinarrituta.

4. Nafarroako Gobernuak onetsitako azpiegitura plan zuzendariekin lotura duten inbertsioak finantzatzeko zenbatekoa foru lege bidez ezarriko da lau urtetik behin.

5. Udalek, kontzejuek eta eskualdeek Nafarroako zergetan duten partaidetza funtsaren zuzkidurak aurrekontuei buruzko foru legeetan jasoko dira, gastuen aurrekontuko kredituetan, eta horietan kargatuko dira toki entitateen alde onartzen

diren ordainketa betebeharrak, aurrekontua exekutatzen prozedura arruntan arabera.

Udalek, kontzejuek eta eskualdeek Nafarroako zergetan duten partaidetza funtsaren zuzkidurak, ekitaldi ekonomiko bakoitzean ezarritakoek, ekitaldiko azken egunean betebeharraren onarpena jaso ez dutenek, gerakin atxikiaren izaera izanen dute. Gerakin atxiki hori erabiltzen ahalko da bakarrik funts horri egotz dakizkikeen aurrekontu betebeharrari erantzun behar dieten kredituen zuzkidura handitzeko.

Udalek, kontzejuek eta eskualdeek Nafarroako zergetan duten partaidetza funtsaren zuzkidurak gauzatzen dituzten aurrekontu kredituak zabalgarriak izanzen dira, eta haien gehikuntzak finantzatzeko bide bakarra aurreko apartatuan definitutako gerakin atxikia izanen da, hura ahitu arte, edo izaera bereko kredituak”.

Lau. 138. artikuluko 10. apartatua gehitzen zaio, eta testu hau izanen du:

“10. Katastroko balorazio txostenak, zerga honen oinarria zehazten dutenak, eguneratu behar dira onetsi edo berrikusi zirenetik Nafarroako Lurralde Aberastasunaren Erregistroari eta katastroei buruzko azaroaren 21eko 12/2006 Foru Legearen 35. artikuluan ezarrita dagoen gehiengo epea iragan denean.

Arau hori ez betetzea ponderatzen ahalko da Toki Ogasunen Funtsaren banaketan”.

Bost. 139. artikuluko 2. apartatua aldatzen da, eta testu hau izanen du:

“139. artikulua.

2. Karga-tasa % 0,25etik 0,50era bitartekoa izanen da”.

Sei. 188. artikuluko 2. apartatua aldatzen da. Hona testu berria:

“188. artikulua.

2. Karga-tasak tarte hauen barrenean egon behar du: % 0,25 eta % 0,50 artean, etxebizitza Etxebizitza Hutsen Erregistroan agertzen den lehenbiziko urtean; % 0,50 eta % 1,5 artean, Erregistroan agertzen den bigarren urtean; eta %1 eta % 1,5 artean, Erregistroan agertzen den hirugarren urtean eta hurrengoetan. Karga-tasa bat bera izanen da udalerriri osoan”.

Zazpi. Bederatzigarren xedapen gehigarria aldatzen da, eta testu hau izanen du:

“Bederatzigarren xedapen gehigarria.

Nafarroako Gobernuak udal montepioen finantzaketan parte hartuko du Nafarroako Aurrekontu

Orokorretan horretarako jasotzen diren partiden bidez. Parte-hartze hori ukatu gabe, udal monte-pioen finantzaketa toki entitateek Nafarroako zer-getan parte hartzeko duten funtsaren bidez osatuko da, toki entitateen artean banaketa egiteko foru lege bidez ezartzen den formula erabiliz.

Era berean, Nafarroako Gobernuak eta toki entitateek behar diren jarduketak eta kudeaketak egiten dituzte Nafarroako udal monte-pioen sistema Gizarte Segurantzaren Sistemari sartzeko”.

Hirugarren artikulua. Nafarroako Lurralde Aberastasunaren Erregistroari eta Katastroei buruzko azaroaren 21eko 12/2006 Foru Legearen aldaketa.

Nafarroako Lurralde Aberastasunaren Erregistroari eta Katastroei buruzko azaroaren 21eko 12/2006 Foru Legea honela aldatzen da:

Bat. 34. artikuluan, 3. eta 4. apartatuak aldatzen dira, eta 5. apartatua aldatzen da, testu honekin:

“34. artikulua.

3. Balorazio txostenak “udalekoak” izanen dira udal-mugarte bakar batean aplikatzen direnean, eta, horrez gain, mota hauekoak:

a) Osoak, haien determinazioak mugartean dauden ondasun higiezin guztiei aplikatzen ahal zaizkienean.

b) Partzialak, udal-mugarteko eremu, poligono edo lurzati jakin batzuetako ondasun higiezin homogeneo jakin batzuk bakarrik hartzen baditu edo, kasua bada, lurzati berezi bat eta bertan kokatutako ondasun higiezinak.

Aurreko b) letran definitutako txostena prestatzea posible izan dadin, foru lege honen 35 a) artikuluan berrikuspenerako ezarritako gehieneko epeak amaitu gabe egon beharko du.

4. Balorazio txostenak “udalez gaindikoak” izanen dira bi udal-mugartetan edo gehiagotan aplikatzen direnean, eta, horrez gain, mota hauekoak:

a) Osoak, haien determinazioak udalerririk horietako mugartean dauden ondasun higiezin guztiei aplikatzen ahal zaizkienean.

b) Partzialak, higiezin jakin batzuk bakarrik hartzen dituztenean, udalerriz udalerririk balorazio berezia egiteko bide eman gabe.

Eskualdeek tramitatzen dituzten udalez gaindiko txostenak “eskualdeko txostenak” dira.

5. Balorazio partzialeko txostenetako determinazioak eranskin gisa gehituko zaizkio balorazio osoko txostenari, behin onetsita.

Balorazio partzialeko txostenetako bakoitzeko ondasunetan zuzenean aplikatzekoak izanen dira haietan jasotako determinazioak. Eta ordezkari aplikaziokoak izanen dira, balorazio partzialeko txostenekin kontraesanean ez dagoenetan, balorazio osoko txostenetan jasotako determinazioak”.

Bj. 36. artikuluko 9. apartatua aldatzen da eta testu hau izanen du aurrerantzean:

“36. artikulua.

9. Foru lege honen 35. artikuluan balorazio txostena berrikusteko adierazitako kasuren bat gertatuz gero, Nafarroako Zerga Ogasunak udala premiatzen ahalko du aipatu proiektua egin dezan.

Hiru hilabeteko epean errekerimenduari kasu egiten ez bazaio, Nafarroako Zerga Ogasunak, Nafarroako Gobernuak baimena eman ondoren, proiektuaren prestaketan subrogatzen ahalko da, ondasun higiezinak baloratzeko eginkizuna esleiturik duen zerbitzuko zuzendariaren ebazpen arrazoituaren bidez.

Subrogatzeko ebazpena salbuespenez hartuko da. Horrelakoetan, balorazio txostena berrikustea eragin duen inguruabar zehatza identifikatuko da eta, betiere, frogatu egin beharko da katastroko balio indardunaren eta ondasun horietatik merkatuan duten balioaren eta udalerririk mugakideetako antzeko ondasun higiezinaren erregistroko balioaren artean alde nabarmen eta agerikoa dagoela.

Subrogatzeko ebazpena eman eta txostenaren proiektua prestatu ondoren, Nafarroako Zerga Ogasunak udalari bidaliko dio testua, aurreko apartatuetan ezarritakoari jarraikiz tramitatu dadin.

Udalak ez baldin baditu egiten 4. apartatuan adierazitako jarduketak testua jaso eta bi hileko epean, Nafarroako Zerga Ogasunak besterik gabe bere gain hartuko du balorazio txostena tramitatu eta onesteko falta diren lanak egitea, eta horren berri emanen dio toki entitateari.

Zerga Ogasunak subrogazio bidez egiten duen udal balorazio txostenaren proiektua onesteko ebazpenean lan horren kostu osoa kasuko udalari egozteko erabakia jasoko da”.

Hiru. 37. artikuluko 1. apartatua aldatzen da, eta testu hau izanen du aurrerantzean:

“37. artikulua. Udalez gaindiko balorazio txostenak egin, onetsi eta argitaratzea, eta horien eraginkortasuna eta aurkaratzea.

1. Foru lege honen 34.4. artikuluan aipatutako inguruabarren bat gertatuz gero, ukitutako udalek nahiz Nafarroako Zerga Ogasunak eskatzen ahalko dute udalez gaindiko batzorde mistoa era dadila.

Nolanahi ere, Nafarroako Zerga Ogasunak, ukitutako udalei entzunaldia eman ondoren edo udal horietako edozeinek egindako proposamena baloratu ondoren, batzorde mistoa eratzea erabakiko du, Nafarroako ondasun higiezinak baloratzeko eskumena esleiturik duen unitate organiko zuzendariaren ebazpenaren bidez.

Udalez gaindiko batzorde mistoan Nafarroako Foru Komunitateko Administrazioak ukitutako udalek adina ordezkari izanen ditu. Udalen ordezkariak udalek beraiek aukeratuko dituzte. Nafarroako Foru Komunitateko Administrazioaren ordezkarietako bat izanen da batzorde mistoko lehendakaria. Lehendakariaren botoak berdinketak hausteko balioko du.

Batzorde Mistoaren funtzionamendu araubidea erregelamenduz ezarriko da”.

Lau. 37. bis artikulua gehitzen da. Testu hau izanen du:

“37. bis artikulua. Eskualdeko udalez gaindiko balorazio txostenak egin, onetsi eta argitaratzea eta horien eraginkortasuna eta aurkaratzea.

1. Foru lege honen 34.4 artikuluan aurreikusitako kasuetan, eskualdeko bi udalek edo gehiagok eskatzen ahalko diote eskualdeari eskualdeko udalez gaindiko balorazio txostena egiteko, haien udal-mugarteak batera hartuta.

Udal bakoitzak erantsi beharko dio eskaerari proiektua egiteko kostuak bere gain hartzeko konpromiso argia, proportzioan dagozkionak, bere udal-mugartean dauden ondasun higiezinei eman zaien balioaren arabera, baloratutako ondasun higiezinaren balio osoarekin alderatuta.

2. Eskaerak jaso ondoren, eskualdeak gainerako udaletara joko du, adieraz dezaten egin beharreko proiektuan sartu nahi duten edo ez, eta, baiezkoa bada, aurreko apartatuko bigarren paragrafoan aurreikusitako konpromiso argia aurkeztu beharko dute.

Ondoren, eskualdeak txostenaren aurreproiektua eginen du. Horretarako, behar adina informazio eskatzen ahalko dio Nafarroako Zerga Ogasunari, baldin eta haren eskutan badago eta lana egiteko muntakoa bada.

3. Foru lege honen 34.4 artikuluan aurreikusitako kasuetan, eskualdeak proposatzen ahalko die ukitutako udalei eskualdeko udalez gaindiko

balorazio txostenaren proiektua egiteko, haien udal-mugarteak batera hartuta.

Proposamena onartzean, udal bakoitzak aurreko 1. apartatuan xedatutako konpromisoa erantsi beharko du, eta ondoren artikulua honen 2. apartatuko bigarren paragrafoan adierazitako tramiteak bete beharko dira.

4. Eskualdeko udalez gaindiko balorazio txostenaren aurreproiektua egin ondoren, eskualdeak hura helaraziko die ukitutako udal guztiei, azter dezaten eta adieraz dezaten testuarekin ados dauden, edo egokituz jotzen dituzten alegazioak aurkez ditzaten, eskualdeko batzarrean jaso eta ebazteko.

Udalez gaindiko balorazio txostenaren proiektuaren behin betiko edukia finkatu ondoren, eskualdeak eskatuko du proiektuan sartutako udal guztiek onespenez erabakia har dezatela.

Aurreko 1. apartatuko bigarren paragrafoan ezarritakoa ukatu gabe, txostena egitea hasiera batean eskatu edo onartu zuten udaletako batek edo batzuek uko egiten badiote txostenaren esparruan sartzeari, aurreproiektua edo behin betiko proiektuaren testua onetsi ondoren, txostenaren aurreproiektua edo behin betiko proiektuaren testua aldatzeko beharrezkoak diren lanak egiteak eragin ditzakeen kostuak egotziko zaizkie, bakoitzari bere zatia.

5. Eskualdeko udalez gaindiko txostenaren proiektuaren behin betiko testua aurreko puntuan xedatutakoari jarraikiz ezarri ondoren, eskualdeak jendaurrean jarriko du hogeit egunez, Nafarroako Aldizkari Ofizialean eta eskualdeko nahiz ukitutako udal bakoitzeko iragarki taulan iragarkia jarritz.

Interesdunek udaletxeetan eta eskualdearen egoitzan kontsultatzen ahalko dute proiektuaren edukia, eta egokituz jotzen dituzten alegazio guztiak aurkeztu testuaren aurka.

6. Aurreko epea iraganik, aurkeztutako alegazio guztiak bilduko ditu eskualdeak, haiei buruzko txosten bat prestatuko du eta eskualdeko udalez gaindiko batzorde mistoa eratzeke eskatuko du, Zerga Ogasunari egindako jarduketara guztiak igortzearekin batera.

Eskaera jaso ondoren, Nafarroako Zerga Ogasunak eskualdeko udalez gaindiko batzorde mistoa eratzeke aginduko du, Nafarroako ondasun higiezinak baloratzeko eginkizunak esleiturik dituen unitate organiko zuzendariaren ebazpenaren bidez.

7. Batzorde mistoa lankidetzara teknikorako organo bat da, eskualdeko udalez gaindiko balora-

zio txostenaren edukia finkatzeko eratzen dena. Kasuko eskualdearen hiru ordezkari izanen ditu, eskualdeak berak aukeratuak, eta Nafarroako Foru Komunitateko Administrazioaren beste hiru ordezkari. Horietatik bi Nafarroako Zerga Ogasuneko zuzendari kudeatzaileak izendatuko ditu, bertako teknikarien artean, eta hirugarrena toki administrazioeko eskumena duen departamentuak.

Nafarroako Foru Komunitateko Administrazioaren ordezkarietako bat izanen da eskualdeko udalez gaindiko batzorde mistoko burua. Batzordeko buruaren botoak berdinketak hausteko balioko du.

Eskualdeko udalez gaindiko batzorde mistoaren funtzionamendu araubidea erregelamenduz ezarriko da.

8. Eskualdeko udalez gaindiko batzorde mistoak azaldutako alegazioak edo oharrak ebatzi eta eskualdeko udalez gaindiko balorazio txostenaren proiektuaren behin betiko edukia finkatuko du; ondoren hura onesteko proposamen loteslea eginen dio Nafarroako Zerga Ogasunari.

Lan horiek bukatuta, batzorde mistoa deseginen da.

9. Nafarroako Zerga Ogasunean ondasun higiezinak baloratzeko eginkizunak esleiturik dituen zerbitzuko zuzendariak eskualdeko udalez gaindiko balorazio txostena onesteko ebazpena emanen du.

10. Balorazio txostena onesteko erabakia Nafarroako Aldizkari Ofizialean argitaratuko da. Betiere, hogeitau egun naturaleko epean jendaurrean dagoen bitartean haren eduki osoa non ikus daitekeen adieraziko da.

Nafarroako Zerga Ogasunak Nafarroako Atarian ere argitaratzen ahalko du ponentzia, interesdunek berehalakoan ezagut dezaten soil-soilik, baina, argitalpen horrek ez du ondorio juridikorik izanen 12. apartatuan xedatutakoari jarraikiz ponentziaren aurka egiteko epearen hasierari dagokionez.

11. Eskualdeko udalez gaindiko balorazio txostenak indarra hartuko du aurreko apartatuan jendaurrean egoteko ezarritako epea bukatu eta biharamunean. Epe hori bukatuta, Balorazio Txostenen Erregistroan zuzenean inskribatuko da, foru lege honen 39.3 artikuluan ezarritakoa deusetan galarazi gabe.

12. Eskualdeko udalez gaindiko balorazio txostenaren determinazioek ukitzen dituzten ondasun higiezinaren titularrek gora jotzeko errekurtsioa aurkezten ahal dute ondasun higiezinaren balorazioaren arloko eskumena duen departamentuko

kontseilari titularraren aurrean, 10. apartatuan ezarritako testu osoa jendaurrean egoteko epea amaitu eta biharamunetik hasita, baina errekurtsioa aurkezteak ez du inola ere txostena betearazi beharra etetea ekarriko”.

Laugarren artikulua. Nafarroako Toki Ogasunei buruzko martxoaren 10eko 2/1995 Foru Legea aldatu eta jarduera ekonomikoen gaineko zergaren tarifak gaurkotzen dituen abenduaren 29ko 20/2005 Foru Legearen aldaketa.

Bakarra. 20/2005 Foru Legearen xedapen iragankor bakarra aldatzen da, eta testu hau izanen du:

“Xedapen iragankor bakarra. Lurraren gaineko kontribuzioaren karga-tasak.

Balioen txostena Nafarroako Lur-ondasunen Erregistroari eta Katastroei buruzko Foru Legeak ezarritako moduan berrikusi arte, ukitutako udalek ehuneko 0,25etik 0,50era bitarteko zerga-tasak ezartzen ahalko dituzte lurraren gaineko kontribuzioan”.

Xedapen gehigarri bakarra.

Iruñerriko Bidaiari-garraio Erregularrari buruzko ekainaren 1eko 8/1998 Foru Legean Iruñerriko Mankomunitateaz egiten diren aipamenak “Arga” eskualdeari dagozkiola ulertuko da, behin eskualde hori eratu ondoren.

Lehen xedapen iragankorra.

Nafarroako eskualde mugaketa eta bertako udalerrien lurralde banaketa, bai eta eskualde bakoitzeko populazioa, hedadura eta udalerririkopurua identifikatzen dituzten datuak ere, haien irudikapen grafikoarekin batera, foru lege honen I. , II. eta III. eranskinetan jaso dira, hurrenez hurren.

Bigarren xedapen iragankorra.

Eskualde bakoitza sortzeko foru legeak indarra hartu eta hilabeteko gehieneko epean, Hauteskunde Batzordeak Nafarroako Toki Administrazioari buruzko uztailaren 2ko 6/1990 Foru Legearen 376. artikuluan aurreikusitako jarduketak eginen ditu, erreferentzia gisa harturik eskualdearen parte diren udalerrietan egindako azken udal hauteskundeetan izandako emaitzak.

Hauteskunde Batzordeak batzarrerako hautatu behar dituen kideak behin izendatu ondoren, hila-beteko gehieneko epean udalek izendatu beharko dituzte beren ordezkariak, 6/1990 Foru Legearen 377. artikuluan ezarritakoarekin bat.

Eskualdeko batzarra jendaurreko bilkuran eratu da eskualdearen egoitzan, kasuko eskualdea

sortzeko foru legeak indarra hartu eta hiru hilabetera gehienez ere.

Horretarako, adineko mahaia eratuko da, ekitaldian dauden batzarreko kide zaharrenak eta gazteenak osatua, eta idazkari lanak eskualdearen egoitza zer udaletan dagoen, udal horretako idazkariak beteko ditu.

Hirugarren xedapen iragankorra.

Eskualdeak sortu bitarte, idazkari lanpostuko lanak izanen dira kontu-hartzaitzakakoak ere, kontu-hartzaile lanposturik ez dagoen toki entitateetan, 244. artikuluan xedatutakoarekin bat.

1.500 edo 3.000 biztanletik beherako toki entitateetan, foru lege honek indarra hartzen duenean plantilla organikoan beren idazkari edo kontu-hartzaile lanpostuak dituztenetan, hurrenez hurren, lanpostu horiek mantenduko dituzte eskualde bakoitza sortzeko foru legeak indarra hartu arte, horrek ukatu gabe bizilagun gutxiagoko udaletan beren idazkari edo kontu-hartzaile lanpostu beraiazkoetarako 361.1 e) artikuluan ezarritakoa.

Lanpostu horiek administrazio araubidean kontratatutako langileek bete baldin badituzte ordura arte, langile horiek eskualdeko langile bihurtuko dira, kasuko eskualdea sortzeko foru legeak indarra hartzen duenean dituzten kontratu baldintzetan, foru lege honen 370. eta 371. artikuluetan xedatutakoarekin bat.

Halere, iraungi beharreko lanpostu gisa irauenen dute 1.500 bizilagun baino gutxiago udaletako idazkari lanpostuek, eskualde bakoitza sortzeko foru legeak indarra hartzen duenean Nafarroako Foru Komunitateak gaitutako funtzionarioek betetzen dituztenek.

Laugarren xedapen iragankorra.

Foru lege honek indarra hartu eta hiru hilabetera epean, Foru Komunitateko Administrazioak behar diren jarduketak eginen ditu Nafarroako Toki Administrazioari buruzko uztailaren 2ko 6/1990 Foru Legearen 247.1 artikuluan aurreikusitako merezimendu lehiaketaren deialdia egiteko, arau horren 247.2 eta 247.3 artikuluetan sartuta eta hutsik dauden idazkari lanpostuak betetzeko, legearen 245. artikuluan eta hurrengoetan ezarritakoarekin bat.

Foru gaikuntza lortzeko eta aipatutako merezimendu lehiaketan betetzen ez diren idazkari lanpostuetan sartzeko, foru lege honek indarra hartu ondoren onesten diren lehenbiziko bi deialdietan, euskararen balorazio gehigarriko aplikatzekoa den araudian ezarritakoa ukatu gabe, oposizio eta lehiaketa faseek ehuneko 70eko eta 30eko balora-

zio proportzionala izanen dute, hurrenez hurren, eta lehiaketa faseko gehieneko puntuazioa eskuratzeko modua izan beharko da, bai Nafarroako toki entitateetako idazkari lanpostuetan zerbitzuan emandako 20 urterekin, bai merezimendu horiei beste batzuk gehituta.

Bosgarren xedapen iragankorra.

Foru lege honek indarra hartu eta hiru hilabetera epean, Foru Komunitateko Administrazioak behar diren jarduketak eginen ditu Nafarroako Toki Administrazioari buruzko uztailaren 2ko 6/1990 Foru Legearen 247.1 artikuluan aurreikusitako merezimendu lehiaketaren deialdia egiteko, behin bakarrik, arau horren 247.2 eta 247.3 artikuluetan sartuta eta hutsik dauden B mailako kontu-hartzaile lanpostuak betetzeko.

Lehiaketa hori ebatzi ondoren, betetzen ez diren lanpostuak A mailan sailkatuko dira, eta Foru Komunitateko Administrazioak deitu beharko du aurreko artikuluan aipatzen den merezimendu lehiaketa, 6/1990 Foru Legearen 247.2 eta 247.3 artikuluetan sartuta eta hutsik dauden kontu-hartzaile lanpostu guztiak betetzeko, lege horren 245. artikuluan eta hurrengoetan ezarritakoarekin bat.

Foru gaikuntza lortzeko eta aipatutako merezimendu lehiaketan betetzen ez diren kontu-hartzaile lanpostuetan sartzeko, foru lege honek indarra hartu ondoren onesten diren lehenbiziko bi deialdietan, euskararen balorazio gehigarriko aplikatzekoa den araudian ezarritakoa ukatu gabe, oposizio eta lehiaketa faseek ehuneko 70eko eta 30eko balorazio proportzionala izanen dute, hurrenez hurren, eta lehiaketaren faseko gehieneko puntuazioa eskuratzeko modua izan beharko da, bai Nafarroako toki entitateetako kontu-hartzaile lanpostuetan zerbitzuan emandako 20 urterekin, bai merezimendu horiei beste batzuk gehituta.

Iraungi beharreko lanpostu gisa irauenen dute B taldeko kontu-hartzaile lanpostuek, Nafarroako Foru Komunitatearen gaikuntza duten funtzionarioek betetzen dituztenak.

B mailako kontu-hartzaile lanpostuetan, iraungi beharrekoetan ari diren maila igoera Nafarroako Administrazio Publikoen zerbitzuko Langileen Estatutuaren 15. artikuluan ezarritakoarekin bat eginen da.

Seigarren xedapen iragankorra.

Eskualdeak, lanpostuen ezegonkortasuna eta prekaritatea gutxitzen joateko, plantilla organikoa eta lan publikoaren eskaintza definitu eta onetsiko ditu, eskualdea sortzeko foru legeak indarra hartzen duenetik urtebeteko epean gehienez ere; horrekin batera, hutsik gelditzen diren lanpostuak

beteko ditu, aplikatzekoa den araudian ezarritako-arekin bat.

Zazpigarren xedapen iragankorra.

Udalarekin eskumenen kudeaketa konpartiturako hitzarmena (Nafarroako Toki Administrazioari buruzko uztailaren 2ko 6/1990 Foru Legearen 42.bis) artikuluan aipatzen dena) izenpetu ez duten kontzejuetan, haien eskualdea eratu bitarte, foru lege honen 234. artikuluan aipatzen diren eginkizun publiko beharrezkoak batzordeko eta kontzeju irekiko kide batek beteko ditu, organo horiek horretarako gaitutakoak.

Zortzigarren xedapen iragankorra.

1. 2019ko iraila baino lehen, Nafarroako Gobernuak finantzaketa proposamen bat igorriko du Nafarroako Parlamentura, Nafarroako Aurrekontu Orokorretan gaur egun jasotzen diren dirulaguntza finalisten ordeztoki Ogasunei buruzko Foru Legearen 123. artikuluko 2. a) apartatuan aurreikusitako finantzaketa moduluak ezartzeko. Proposamen horretan toki entitateek ematen dituzten zerbitzuak finantzatzeko dirulaguntzak ere sartuko dira, haien legeria sektorialarekin bat, eta zehazki gai hauetan:

1. Nafarroako toki entitateen montepioak, haien pasiboei dagozkien betebeharrak behin betiko desagertu arte, bai Nafarroako toki entitateen montepio orokorraren kasuan bai Iruñeko, Tuterako eta Tafallako udalek dituzten montepio berekien kasuan.

2. Ikastetxeetako eta hezkuntzarako erabiltzen diren bestelako udal eraikinen mantentze, garbiketa, atezaintza lanek sortutako gastuak, bai eta funtzionamenduko bestelako gastuak ere.

3. Musika eskolak kudeatzea.

4. Lehen mailako haur hezkuntzako (0-3 urte) ikastetxeen kudeaketa, mantentze, garbiketa, atezaintza lanek sortutako gastuak, bai eta kudeaketak sortutako bestelako gastuak ere.

5. Udal kontsultategi medikoetako mantentze-lanak, garbiketa eta funtzionamenduko bestelako gastuak.

6. Jarduera ekonomikoen poligonoak kudeatzea.

7. Iruñerriko hiri garraioa kudeatzea.

8. Udal liburutegiak kudeatzea.

9. Artxibo historikoak mantentzea.

2. 23/2014 Foru Legearen lehen xedapen gehigarria aplikatuz, artikuluko honen a) letran aipatzen diren gaien eskumenak, bai eta berekiak ez dire-

nak eta eskuordetzeaz emandakoak, toki entitateei esleitu ahala, eta esleipen horrek dakartzan finantzaketa beharrak kontuan hartuta, xedapen honen aurreko apartatuan aipatutakoarekin bat ezarritako finantzaketa moduluak aldatuko dira, eta Nafarroako Toki Ogasunei buruzko Foru Legea aldatuko da, Nafarroako Zerga Ogasunak toki entitateen finantzaketan erabiltzen duen sarreraren portzentajea doitzeko.

3. Nolanahi ere, aipatutako portzentaje hori zehaztasunez ezartzeko, hasiera batean oinarritzat hartuko da 2018ko aurrekontuan transferentzia arruntengatik, kapital transferentziengatik eta departamentuetako bakoitzean transferentzia finantziatutako jaso behar duten kopurua izanena da.

Hasierako portzentaje hori handitu edo gutxitu egingen da, foru lege honek indarra hartu ondoren aurreko puntuan xedatutakoarekin bat egiten diren lege aldaketetan ezartzen den eskumen banaketaren arabera.

Bederatzigarren xedapen iragankorra.

Nafarroako Gobernuaren esku uzten da foru lege honek indarra hartu eta urtebeteko epean maiatzaren 17ko 33/2010 Foru Dekretuaren aldaketarako tramiteak hastea foru lege honen xedapenetara egokitzeko, bat etor dadin indarreko osasun eskualdeekin. Foru dekretu horren bidez Nafarroako Foru Komunitateko gizarte zerbitzuen eskualdeak ezarri ziren. Kasuren batean posible ez balitz bat etortzea eskualdeen banaketaren ondorioz, eskualdeen arteko hitzarmenaren bidez ziurtatu beharko du programa soziosanitarioen aplikazioa bat etortzen dela.

Aldaketa hori egin arte, foru dekretuan ezarritako oinarritzko eskualdeak operatiboak izanen dira.

Era berean, Nafarroako Gobernuan Toki Administrazioaren arloko eskumena duen departamentuak, epe horretan berean eta Zerbitzu Sozialetako Departamentuarekin elkarlanean, oinarritzko gizarte zerbitzuen kudeaketa finantzatzeko proposamen bat aztertu eta definitzen hasiko da, zerbitzu horien eskumen banaketaren arabera.

Hamargarren xedapen iragankorra.

Nafarroako toki entitateek, lege honek indarra hartzen duenetik hasi eta bost urteko epean gehienez ere, ematen dituzten zerbitzuen kostuei buruzko kontabilitateko analisia egiteko sistema bat jarri beharko dute, eta horren emaitzak erreferentzia gisa erabiliko dira zerbitzu horien finantzaketa moduluak ezartzeko.

Lehen xedapen Indargabetzailea.

Indarrik gabe geratzen dira foru lege honetan xedatutakoari aurka egiten dioten maila bereko edo txikiagoko xedapen guztiak.

Bigarren xedapen Indargabetzailea.

Indargabetu egiten dira Nafarroako Toki Administrazioari buruzko uztailaren 2ko 6/1990 Foru Legearen lehen eta laugarren xedapen gehigarriak.

Hirugarren xedapen Indargabetzailea.

Indargabetu egiten dira Nafarroako Toki Administrazioari buruzko uztailaren 2ko 6/1990 Foru Legearen VII. titulua aldatzen duen martxoaren 17ko 4/2011 Foru Legearen lehen eta hirugarren xedapen gehigarriak, eta lehen, hirugarren eta laugarren xedapen iragankorrak.

Azken xedapenetako lehena. Arau garapena.

Nafarroako Gobernuari ahalmena ematen zaio behar adina xedapen eman ditzan foru lege honetan ezarritakoa garatu eta betearazteko.

Azken xedapenetako bigarrena. Indarra hartzea.

Foru lege honek Nafarroako Aldizkari Ofizialean argitaratu eta biharamunean hartuko du indarra.

Halere, lurren gaineko kontribuzioaren eta bizi-lagunik gabeko etxebizitzaren gaineko zergen tasei dagozkien aurreikuspenek indarra hartuko dute foru lege honen zortzigarren xedapen iragankorrek aipatzen duen finantzaketa proposamena onetsi ondoren.

I. Eranskina

ESKUALDEA: "Arga"
AZPIESKUALDEA: "Iruñerria"

UDALERRIA	POPULAZIOA 2017
ANTSOAIN	10.752
ARANGUREN	10.239
ATARRABIA	10.217
BARAÑAIN	20.124
BERIÁIN	3.894
BERRIOBEITI	6.872
BERRIOZAR	9.874
BURLATA	18.591
CIZUR	3.784
EGUESIBAR	20.417
GALAR	2.194
IRUÑA	197.138
NOAIN (ELORTZIBAR)	8.115
ORKOIEN	3.910
TIEBAS-MURUARTE DE RETA	613
UHARTE	6.917
ZIZUR NAGUSIA	14.686
	<hr/>
	348.337

AZPIESKUALDEA: "Ibarrak"

UDALERRIA	POPULAZIOA 2017
ANUE	477
ATETZ	227
BELASCOÁIN	123
BIDAURRETA	169
ESTERIBAR	2.629
ETXARRI	80
ETXAURI	602
EZCABARTE	1.797
GOÑI	169
ITZA	1.192
JUSLAPEÑA	550
LANTZ	153
ODIETA	362
OLÁIBAR	363
OLTZA ZENDEA	1.853
ULTZAMA	1.661
VALLE DE OLLO/OLLARAN	399
ZABALTZA	294
ZIRITZA	137
	<hr/>
	13.237

ESKUALDEA: "Bidasoa"

UDALERRIA	POPULAZIOA 2017
ARANTZA	623
BAZTAN	7.736
BEINTZA-LABAIEN	232
BERA	3.763
BERTIZARANA	591
DONAMARIA	434
DONEZTEBE/SANTESTEBAN	1.732
ELGORRIAGA	203
ERATSUN	154
ETXALAR	808
EZKURRA	154
IGANTZI	626
ITUREN	519
LESAKA	2.737
OIZ	130
SALDIAS	119
SUNBILLA	675
URDAZUBI/URDAX	394
URROZ	185
ZUBIETA	308
ZUGARRAMURDI	232
	<hr/>
	22.355

ESKUALDEA: "Ega"
AZPIESKUALDEA: "Jurramendi"

UDALERRIA	POPULAZIOA 2017
ABÁIGAR	88
ABARTZUZA	524
ABERIN	358
AGUILAR DE CODÉS	72
AIEGI	2.346
ALLIN	853
ALLO	980
AMÉSCOA BAJA	750
ANTZIN	357
ARANARATXE	74
ARELLANO	159
ARMAÑANZAS	60
ARRÓNIZ	1.044
AZUELO	34
BARBARIN	58
BARGOTA	276
CABREDO	101

DEIERRI	1.513	LAZAGURRÍA	193
DESOJO	79	LERÍN	1.654
DICASTILLO	612	LODOSA	4.730
EL BUSTO	62	MENDAVIA	3.570
ESPRONCEDA	108	SAN ADRIÁN	6.214
ESTELLA-LIZARRA	13.707	SARTAGUDA	1.316
ETAYO	70	SESMA	1.152
EULATE	289	VIANA	4.078
GENEVILLA	76		26.826
GESALATZ	454		
IGÚZQUIZA	338	ESKUALDEA: "Erdialdea"	
JAITZ	113	UDALERRIA	POPULAZIOA 2017
LANA	166	BARÁSOAIN	650
LAPOBLACIÓN	125	BEIRE	298
LARRAONA	104	CAPARROSO	2.724
LEGARIA	98	CARCASTILLO	2.491
LEZÁUN	252	ERRIBERRI	3.927
LOS ARCOS	1.104	GARÍNOAIN	456
LUQUIN	128	LEOTZ	232
MARAÑÓN	51	MÉLIDA	718
MENDAZA	301	MURILLO EL CUENDE	659
METAUTEN	285	MURILLO EL FRUTO	603
MIRAFUENTES	56	OLORITZ	198
MORENTIN	126	ORÍSOAIN	85
MUÉS	82	PITILLAS	492
MURIETA	334	PUEYO	340
NAZAR	39	SAN MARTÍN DE UNX	383
OCO	77	SANTACARA	868
OLEJUA	53	TAFALLA	10.638
OTEIZA	922	UNTZUE	136
PIEDRAMILLERA	37	UXUE	171
SANSOL	102		26.069
SORLADA	52		
TORRALBA DEL RÍO	110	ESKUALDEA: "Erribera"	
TORRES DEL RÍO	128	UDALERRIA	POPULAZIOA 2017
VILLAMAYOR DE MONJARDÍN	115	ABLITAS	2.514
VILLATUERTA	1.178	ARGUEDAS	2.300
ZÚÑIGA	108	BARILLAS	218
	58.514	BUÑUEL	2.232
AZPIESKUALDEA: "Lizarraldeko Erribera"		CABANILLAS	1.366
UDALERRIA	POPULAZIOA 2017	CASCANTE	3.780
ANDOSILLA	2.718	CASTEJÓN	4.116
ARAS	163	CINTRUÉNIGO	7.839
CÁRCAR	1.038	CORELLA	7.640
		CORTES	3.137

FITERO	2.034
FONTELLAS	963
FUSTIÑANA	2.466
MONTEAGUDO	1.078
MURCHANTE	3.944
RIBAFORADA	3.704
TUDELA	35.298
TULEBRAS	123
VALTIERRA	2.384
	<hr/>
	87.136

ESKUALDEA: "Erribera Garaia"

UDALERRIA	POPULAZIOA 2017
AZAGRA	3.843
AZKOIEN	5.828
CADREITA	2.028
FALCES	2.313
FUNES	2.482
MARCILLA	2.828
MILAGRO	3.400
VILLAFRANCA	2.845
	<hr/>
	25.567

ESKUALDEA: "Izarbeibar-Nobenera"

UDALERRIA	POPULAZIOA 2017
ADIÓS	155
AÑORBE	543
ARTAJONA	1.658
ARTAZU	117
BERBINZANA	605
BIURRUN-OLCOZ	207
ENERITZ	293
GARES	2.805
GUIRGUILLANO	76
LARRAGA	2.060
LEGARDA	110
MAÑERU	422
MENDIGORRÍA	1.044
MIRANDA DE ARGÁ	855
MURUZÁBAL	241
OBANOS	906
TIRAPU	45
ÚCAR	183
UTERGA	164
ZIRAUKI	478
	<hr/>
	12.967

ESKUALDEA: "Larraun-Leitzaldea"

UDALERRIA	POPULAZIOA 2017
ARAITZ	523
ARANO	110
ARESO	261
BASABURUA	850
BETELU	346
GOIZUETA	717
IMOTZ	430
LARRAUN	974
LEITZA	2.856
LEKUNBERRI	1.502
	<hr/>
	8.569

ESKUALDEA: "Pirinioak"

UDALERRIA	POPULAZIOA 2017
ITZALTZU	48
ABAURREGAINA/ABAURREA ALTA	124
ABAURREPEA/ABAURREA BAJA	34
ARIA	53
ARIBE	41
AURITZ/BURGUETE	244
BIDANKOZE	95
BURGI	209
ERRO	789
ERRONKARI	213
ESPARTZA ZARAITZU	79
EZKAROZE	313
GALOZE	104
GARAIOA	89
GARDE	148
GARRALDA	184
GORZA	44
HIRIBERRI/VILLANUEVA DE AEZKOA	110
IZABA	429
JAUURIETA	186
LUZAIDE/VALCARLOS	387
NABASKOZE	145
ORBAIZETA	200
ORBARA	38
ORONTZE	48
ORREAGA/RONCESVALLES	21
OTSAGABIA	534
SARTZE	64

URZAINKI	85	IRAÑETA	174
UZTARROZE	146	IRURTZUN	2.183
	<u>5.204</u>	ITURMENDI	398
ESKUALDEA: "Pirinioaurrea"		LAKUNTZA	1.262
UDALERRIA	POPULAZIOA 2017	OLAZTI/OLAZAGUTÍA	1.518
AGOITZ	2.561	UHARTE ARAKIL	828
ARTZI	271	URDIAIN	671
ELO	479	ZIORDIA	<u>357</u>
IBARGOITI	247		20.185
IZAGAONDOA	183	ESKUALDEA: "Zangozerría"	
LIZOAIN-ARRIASGOITI	295	UDALERRIA	POPULAZIOA 2017
LONGIDA	303	CÁSEDA	975
OROTZ BETELU	149	CASTILLONUEVO	17
UNCITI	217	ESLAVA	118
URRAÚL ALTO	144	EZPROGUI	44
URRAÚL BAJO	305	GALIPENTZU	99
URROZ-VILLA	<u>385</u>	JAVIER	102
	5.539	LEATXE	35
ESKUALDEA: "Sakana"		LERGA	70
UDALERRIA	POPULAZIOA 2017	LIÉDENA	301
ALTSASU/ALSASUA	7.419	LUMBIER	1.336
ARAKIL	947	OIBAR	800
ARBIZU	1.119	PETILLA DE ARAGÓN	34
ARRUAZU	101	ROMANZADO	180
BAKAIKU	345	SADA	151
ERGOIENA	399	YESA	291
ETXARRI ARANATZ	2.464	ZANGOZA	<u>5.002</u>
			9.555

II. eranskina – Eskualdetako datuen laburpena

Arga	Udalerri kopurua	36
	POPULAZIOA 2017	361.574
Bidasoa	Udalerri kopurua	21
	POPULAZIOA 2017	22.355
Ega	Udalerri kopurua	66
	POPULAZIOA 2017	58.514
Erdialdea	Udalerri kopurua	19
	POPULAZIOA 2017	26.069
Erribera	Udalerri kopurua	19
	POPULAZIOA 2017	87.136
Erribera Garaia	Udalerri kopurua	8
	POPULAZIOA 2017	25.567
Izarbeibar-Nobenera	Udalerri kopurua	20
	POPULAZIOA 2017	12.967
Larraun-Leitzaldea	Udalerri kopurua	10
	POPULAZIOA 2017	8.569
Pirinioak	Udalerri kopurua	30
	POPULAZIOA 2017	5.204
Pirinioaurrea	Udalerri kopurua	12
	POPULAZIOA 2017	5.539
Sakana	Udalerri kopurua	15
	POPULAZIOA 2017	20.185
Zangozeria	Udalerri kopurua	16
	POPULAZIOA 2017	9.555
Total Udalerri kopurua		272
Total POPULAZIOA 2017		643.234

III. eranskina – Eskualde mapa



